


U LUBĨNGILILO
LWĀKATĀNDĀTU-KŌSA
LWA LUYĀTO LWA
GABRIELI KWA DANIELI

 Lōli nswĩgile ku i...abatubwa abanini ulubunju ulu, abanini, umwe mumenye, abani “fefe” kangi “fifi,” a banini, i, umwe mumenye, aba kalongo-na-ntandatu. Kangi abene bikwisa nkipanga, umwe mumenye, ukufwana... Balindwana banini, ukufwana ubukusi bula, abene bikulonda ukuboneka bamogi, umwe mumenye. Abene, umwe mumenye, inywili siniembĩgwe mosa, pamwanya pa ntu gwabo; une nabakētesesisye abēne, bo une ngulũmbilila, itolo ndinkũmilisa ukukofokela pāsi, ukukofokela pāsi. Kangi, bo kakindilepo akabalilo, abēne bāsipũtilāga isyene kunyuma ukufuma ku kisyo kyābo, ifiniembo fyosa figolwike.

² Kalumbu Downing undindwana gwāke unnini, kangi—kangi une nalinkētesisye umwēne. Kangi unnini—unnini—unnini... Nkundwe Collins ugwāke unnini... Ngimba ingamu yāke yo fiki? Unnini... [U nkundwe ikuyoba, “Betty.”—Nsimbi] Betty, unnini Betty. Une nduko lumo ndinkuseka panini itolo, kwa nimwene. Loli une ngetile boosa abamogi, umwe mumenye, losa ukutendekesigwa mosa, kangi polelo nukutalula ikyene kyāli...

³ Ena, sayaga indumbula syĩnu, lūki, ugwe uli mmogi, kwa une, mulimosa. Uko ko kutalusya. *Kimogi*, yo, yo mbepo ummogi uyu ikwisa nukwitũgāsya mu ngomano bo ulo, nukupilikisya ku Nongwainunu. Ikyo kyo kikipela undindwana ummogi naloliloli. Kangi une ngwinogona u ndumiana aligwesa ugwanaloli, uyu yo ikubagila ukweg’ubwegi, ikwinogona i kindu kilakila. [Nkundwe Neville ikuyoba, “Ameni.”—Nsimbi] Ndaga ugwe, nkulumba. Ikyo kyo kinunu. Umundu yumo ālitikisaniaga na une. Uko, uko ko kutalusya. Umma ndaga. Une ngwitika ikyo kyo Bwanaloli.

⁴ Lilino ngimba ikyo kikaya kihesya? Une ndinkusanuka itolo ukutalula kwa Danieli 9 akabalilo kāko une ngwĩgũla i Bāngéli. Lilino, une utubalilo twingi ngumbũla aligwesa, komma ukufũla ikijāsi kyabo, iki kili nu bwina mu shati syabo, polelo une ngusubila iyāngu yikaya nabo. Loli—loli une ngētīle akabalilo kũko une nātologwāga ukufũla ikyēne, ni kibwina mu shati,

naloliloli ukufwana. Kangi une ngusakikisya iyi yikaya nabo.

⁵ Lilino, o, kwa nimwene, uswe. . . kangi une ngwitika ku kilundilo, uswe tukupalisya u Kuyapo kwa Mbepo Mwikemo ulubunju ulu.

Kangi uswe tukupalisya ubulilanisi nu kuyapo kwa aligwesa nu mnine. “Bo bunyafu bulebule, bo bununu bulebule, bo busangaluke bulebule, kuli abakũndwe ukwitũgala palikimo mu bumobwẽne. Ikyẽne kiliti bo ubupake bwa nyẽmba imbala ubu bukubõpa pãsi pa ndefu sya Aroni, injila yõsa ku bumalikisyo bwa kifũnga kyãke.”

⁶ Une ndinkubuka ukwakulya umwisyugu, kula ku Blue Boar, kangi ywani ngimba une nisile ukwagana kula lõli Nkundwe Bill apa, kangi Kalumbu Dauch itugesye pala, itolo—itolu bikulya ukumalĩsya kimo mwa kiboneke-kanunu-fiyo, inguku ingalange une ngetilemo siku, kangi itolo bikuya nakabalilo akanunu, bikusõka amafuke palapala ukufuma pa kyẽne, umwe mumenye. Ndinkubuka pa mwanya pa nyumba nukwagana nikiyabo ikinywamu kya kipanga kumwanya kula, kangi abene balondaga kõpe nukunhombela ifyakulya fyangu. Lilino, ikyo kyãli naloliloli kinunu, une ngupãlisya ikyo.

⁷ Akabalilo kãko une nãfikile ku kãya, apa ikwisa Billy ni libokosi lya mapuno aga yumo ãlindwalile une, injila yosa ukufuma ku bununu bula, ubuyo ubutalale ubwa Georgia pãsi pala, kuko ukwene kutalele fiyo pasi pala, abene bikumbula une, ukufwana akabalilo aka.

⁸ Polelo, nãlyãgẽne nu mwinitu unnini panja. Une nãsõkãga ukufuma mu fyakulãlusania kusofu, pamusi apa, kangi ngwisa ukusuluka ukwisila ku kipanga kifuki i sala yimo na sinda sikĩndilepo, kangi unnini. . . mu luko lwa mwinitu unnini, panja, umwene alinkuti. . . Une ndinkuti, “Ukwene kupile.”

Umwẽne alinkuti, “Ilyẽne *naloli* kuli!” Une nãmẽnye umwẽne ãli gwakufuma ku Georgia, popãpo umwẽne alinkuti, “Nalõli kupile pãsi mu Georgia!”

⁹ Ena, uswe tukugela ukubopa ku buyo ubwakupya ukukindapo, bule uswe? Ikyo kyo iki uswe tuli apa.

¹⁰ Ndaga umwe fiyo, binangu, panongwa ya bununu bwĩnu bõsa. Ngimba une ngubombaga fiki kisita umwe? Itolo kiliku—iki une ãngãli ngubomba kisita umwe? Linga une ngãlinagwe nayumo uyu ãlinganile une, nayumo uyu ãbagile ukupilikisya ku Ndumi, i Ndumi yãngu yõsa ãngali yitikuya nnunu na panandi. Une ngabagila ukulũmbilila Iyẽne ku mayẽngo ga telefoni ni mipiki. Ifyẽne ãngãle fitikupilikisya iyẽne. Polelo ikyene kibagile ukuya bandu bo umwe mwesa, aba bikwisaga nu kupilikisya ku kyene. Kangi akabalilo kako umwe mukwisa nukwitũgãsyã mbuyo ubupyano bo ulu, kangi ikyene kyo. . . Unkasi gwãngu alinkuti umwẽne ãliganile ukõkigwa losa kunyuma kula, ulubunju ulu. Kangi ukubabona abandu, kangi

utubalilo tumo abandu ababine, aba bitugesye mu ngomano sila bo lula, Kyala ābapége umwe a—a kamogi, akāya akaganigwa mu Lwimiko, lo lwīpūto lwāngu. Kangi une itolo ngusubila nu lusubilo ukuti Umwene ikubombaga ikyo.

¹¹ Lilino, unko uswe tukēte. Ikijāsi kyāngu, yumo ālyēgile ikyēne kubwa kuno. Kangi une ngufimbilisigwa ukubōmba ukubala panini ikilo iki. Balinga bikwīkyēla ifiyabo fyakwanda fya iki? [Ikilundilo kikuyoba, “Ameni.”—Nsimbi] O, linga ukwēne itolo kukāli kupyano fiyo, uswe āngali itolo tukumilīsyā papapa ukubūka nkyēni, itolo nkyēne ukukīnda u ndungu, na—na Buku gwa Busetuli. Une itolo ndiganiile Ilyene. Une itolo ngwitugasya mu Lyene. Kangi ugwe iputa, mu luko lumo, kuli une, undungu ugu, panongwa yakuti Pandungu ugu gukwisa une... U Ntwa itikisyeye, une ngufimbilisigwa ukumalīsyā ikyo, ukubīka mbuyo imilungu gila palikimo. Kangi ikyo kyo kindukimo iki une ngamanya nakimo ikya ikyene. Kangi polelo une itolo nguyaga pakunsubila u Ntwa ukuti Umwene ikuyaga ni lyāmulo kuli une.

¹² Kangi une—une mbalīle abanyāmbāla abakindane aba—aba bāyobile pa ikyēne, aba basimbile isya ikyēne. Une mbalile ifisimbe-fya-mūsi apa, Dok. Scofield, ugwasukulu unkulumba, lōli naloliloli ngābagile ukwitikīsanīa nu mwēne, pa fingi fya tusimbe-twa-mūsi twake, ’nongwa yakuti une ngabagile ukukipilīkīsyā ikyene. Kūko... Ikyēne kikufimbilisigwa—ikyēne kikufimbilisigwa ukutēndeka ikifwāni mbutalusye.

¹³ Lilino, linga ugwe gwābīkaga ngati utupātu utu tukupela ikifwāne palikimo, kangi ikindu kyakwanda umwe mumenye, ugwe kuyoba, “O, iki kikufyuka *apa*. Umma, une nsisimikīsyē iki kikubūka *apa*.” Ena, ugwe kufimbilisigwa ukuketesyā pamwanya apa pa luko lwako, ukuketa ifi ugwe kubomba. Kangi polelo linga ugwe—linga ugwe utikubomba, ugwe kuyaga nu bukētelo bwako bosa bufuluganīsigwe.

¹⁴ Lilino bule linga ugwe gwēgāga... gwāli ni kifwāni kya ulunywāmu, ulumogi ulukubo, kangi i ng’ombe yikulya ilīsu mmwanya pamwanya pa mpiki? Lilino, ikyo kikabagila ukuya kitalusye (bule ikyeene?), panongwa yakuti umweene atikulya iliisu pamwanya pa mpiki. Polelo, iyo yo njila ikyene kiyilile linga, ugwe, u Mbepo Mwikemo atikubika i Lisimbo lila palikimo. Polelo, ugwe uli nakyo ikibonekelo kyosa, ikikulumba ikya butabulo. Ikyo kyo iki uswe tukulonda, u Bwanaloli. Kangi mpaka uswe tumenye u Bwanaloli, uswe tukukilekaga itolo ikyene pakyene. Kangi polelo, akabalilo kako Kyala ikutupa uswe u Bwanaloli, ena, polelo une nguyobaga isya ikyene.

¹⁵ Umwe mumenye fiki? Une ngusakikīsyā Nkundwe Roy Slaughter kangi—kangi bamo ba bandu baiyolo apa, aba balyāndile kunyuma kula akabalilo katali aka kakīndilepo... Fyalipo kifuki, une ngusakikīsyā, ifyinja fitatu pamo fina

ifyakwānda ifya butumigwe bwangu, papapa apa pa kipanga, Une ndinkutoligwa nukulumbilila pa kimanyisyo kya gehena, panongwa yakuti une—une nātologwaga ukusyāgania ukuti kali ukwēne kwāli ku buyo bwākyūpya, kali ukwēne kwāli ku lipūmba. Kangi akabalilo kalikōsa i Lisyu lyāyobile, *lipūmba*, une nalwāgaga ulusanusyo, lulinkuti, “*Hedesi.*” *Hedesi* yo “lipūmba.” Akabalilo kalikōsa Ilyēne lyāyobile isya gehena, “*Hedesi*, i lipūmba.” Kangi une ndinkukileka itolo ikyene pakylene mpaka une naloliloli nāsyagenie iki une nātigi nguyobapo, polelo une nālumbilile pa gehena, popāpo akabalilo kākō une naloliloli nakyāgēnie ikifwanifwani kyōsa nukukibona kūko ikyēne kyāliko. Panongwa yakuti, une ngwipilika ukuti u ndumbilili yo gwākumeleligwa kwa Kyala, iki umwene ikubūla ku kilundilo kila, panongwa yakuti abēne bisakukolelela kulakula ku kila. Kangi popāpo, polelo, bule linga une mbapelile abēne ukukolelela ku buyo ubusobi, kangi polelo akabalilo kakwisa pala kūko ubukolelelo bula butisakwīma mma? Muketile?

Kangi mu mboniboni yila u Ntwa ālimbéle une, akabalilo kamo aka kakindilepo, akabalilo kākō maelifu-elifu gala... akabalilo kākō Yumo yula ikuyoba kwa une, alinkuti, “Ugwe kwisakulongigwa, ikyākwānda, ni Nongwainunu iyi ugwe kulumbilila.”

¹⁶ Une ndinkuti, “Une ngulumbilila ikindu kilakila iki Pauli ābombile, kangi bosa ba abene.”

¹⁷ Kangi a maelifu-elifu bosa bala balinkuywēga, “Uswe twēgamile pa ikyo.” Ikyo kyāli ikyēne. Muketile? Kutalusya.

¹⁸ Polelo une ngulonda ukukindilila nkyeni ikilo iki, lilino, polelo uswe tutikuyaga kitali fiyo mma. Kangi komma ukwibwa lilino... Lilino, ulubunju ulu... Une ndinato utusimbo utunini apa. Ulubunju ulu une nāyobile pa Danieli mu butumwa, Gabrieli ikwisa ku mwēne nukundagila umwēne isya nkyeni. Ikyo kyo iki uswe twāli nakyo ulubunju ulu, u lulagilo lwa nkyeni.

¹⁹ Lilino, ikilo iki, uswe tukuyoba pa *U Lubīngililo Lwākatāndātu-kōsa Lwa Luyāto Lwa Gabrieli Kwa Danieli*. Pandungu unkōnge, u Ntwa itikisyeye, ukubika amalongo-mahano-na-mabili ga milungu, kūko igyēne gibagilile, mu mbakasya ya kabalilo. Kangi ngimba uswe twimile pōki? Lilino, linga uswe tubagile itolo ukukyāga ikyo nukutēndēka ikyēne ukuya naloli, kyabwanalōli, polelo uswe twisakumanya itolo i sala iyi uswe tukwītugasyāmo. Lilino, uswe tutisakumanya akabalilo kākō Umwēne ikwisa; nayumo isakumanya ikyo. Yeso akamanya ikyēne, Mwēne. Umwēne āyobile Umwēne akāmenye mma. Umwēne āyobile itolo u Tāta, mwēne, āménye ikyo. Komma bōpe na Bāndūmi bamenye ikyēne. Nayumo gwa uswe tumenye akabalilo kako Umwene ikwisa, loli uswe tubagile

ukumanya i—i sala iyi . . . akabalilo aka uswe tulimo nu bumi, tumenye mumo itolo kifuki uswe tubagile ukuya.

²⁰ Lilino, kuli pabunini ukufyūkilano, panongwa yakuti abalumiana bikwegelela amatepi ga iki . . . Amakina gikukina kunyuma nkyumba. Kangi amatepi, ena, agene gikutumígwa panja, kulikōsa.

²¹ Lilino, ikimanyisyo kya lubunju ulu, ukufūma pāpo uswe twagomokīlēmō munyuma pa gwa 4 nu gwa 5 untu, polelo uswe twālikolile i . . . ukwanda nu ntu gwa 9 gwa Danieli. Kangi lilino, ikilo iki, uswe tukukindililāga nkyeni nu ntu gwa 9. Bo uswe tukāli ukusegelela ku kyene, unko uswe itolo twinamisye imitu gyitu pa kabalilo nukuyoba ku Nsimbi gwa Lisyu.

²² Gwaiipyana Kyala gwitu, uswe tusisimikiisye ukuti Ugwe umenye isyakusofu silasila isya ndumbula syitu. Ugwe umenye nongwa ya fiki uswe tuli apa. Kangi Ugwe umenye ukuti uswe tukisamo siku ikilo iki panongwa yakuti itolo ukuti uswe twinogonile akene kikuyaga buyo ubununu ukwisako, ukwegako ubunini ubwīyékèle kuli pamusi apa. Tāta, une ndikwitika ukuti alipo u mundu yumoywene apa panongwa ya bubīngililo bula. Une ngwitika ukuti uswe tuli apa ikilo iki panongwa yakuti uswe tuli mbufwano banaloli, banaloli-ndumbula, kangi tukulōnda ukumanya ISI SYO IKUTI U NTWA.

²³ Uswe tukuganile Ugwe, Ntwa, kangi uswe tuliganile i Lisyu Lyako. Kangi linga ubuyo ubu ubu Ugwe upēle kuli uswe, itolo ubuyeke pamwanya pa mitu gyītu, kangi imibwe gya konkiri igi, uswe tukupalisya kwa Ugwe panongwa ya buyo ubu. Kabuno, uswe tukwitika ukuti kuliko ku Kāya ukukinda mmwanya, kūko uswe tukubuka ku njila yila. Kangi uswe tukwīnogōna isya batata bītu aba bākali nalo nulusakō ulu, kangi ikyēne kikutupela uswe ukwīnamisya indumbula syītu mu sōni, Ntwa, na kōpe ukwīlūmbūsa.

²⁴ Lilino, Tāta, uswe tukusuma ukuti Ugwe kwisakwīgulāga kwa uswe, ikilo iki, i Lisimbo. Isaga, endaga ukukindilila, ku lubafu lwa aligwesa gwa uswe, bo uswe tukusuluka pa nsebwe ugu ikilo iki. Yoba kwa uswe bo mumo Ugwe gwābombilēmō bala ku Emmausi, ukufuma ku Yerusalemu. Ukuti, akabalilo kako ulukomano lumalike, ikilo iki, uswe tubagile ukubuka ntwaya twitu utukindane nukuyoba, “Ngimba indumbula syītu sikāpyāga nkati myītu bo uswe tummpilike Umwēne ikuyoba ukwisila mu Lisyu Lyāke!”

²⁵ Sayaga ukubala. Sayaga ukugela kwāngu ukōnywa, Ntwa. Igula undomo gwāngu ku kila iki kyo kyābwanaloli, kangi igala ugwēne ku kila iki kyo kisóbi. Kangi egega ulwīmiko kwa Yuyugwe, kangi ulwīmiko mu bāndu Bako, ukuti abene babagile ukuketa isala iyi uswe tukwitugasyamo kangi kifuki u Kwisa kwa Ntwa Yeso. Kabuno, uswe tukusuma ikyene mu Ngamu Yake—Yake, i Ngamu ya Yeso Kristi. Ameni.

²⁶ Lilino, uku lāmbalikania ukugomokesya a Masimbo gitu pa kabalilo kanini, uswe tukwāga ukuti Danieli āli mbutumwa ku fyīnja malongo-ntāndātu-na-lwēle. Inogona isya ikyēne! Lilino, umwe, kangi ikalatasi kyīnu ni kisīmbilo, mwe mukākyēgile ikylene ulubunju ulu, mubagile ukukisala ikyēne ikilo iki. Ukufuma A.D. 606 mpaka 538. Ega 538 ukufuma 606, ugwe uli ni fyīnja malonogo-ntāndātu-na-lwele Danieli āli mu... u ntumwa; kisita kipānga ikyakubūkāko, kisit bulūmbilili ukupilika, nakimo. Lōli umwēne āli na mabūku gamo, ifiniembano fimo, ifi unsololi pabutasi pa umwēne āsolwile, kangi āli—āli Yeremiya.

²⁷ Lilino, akabalilo kāko mukufunda isya Masimbo, umwēne ākabwēne akabalilo kāyaga kifuki, ukuti akabalilo ka fyīnja malongo mahano-na-mabili... Kangi Danieli nubusisya naloliloli itikaga i lisyu lililyosa ili Yeremiya u nsololi āyobīle. Kangi une nguyoba ku iki, ku kalasi lyangu ikilo iki: Ngimba uswe tubagile ukwitika abasololi bitu? [Ikilundilo kikuyoba, “Ameni.”—Nsimbi] Ena, nkulumba. Kabuno, i Lisyu lya Ntwa lyālisile ku basololi. Abene bali na ISI SYO IKUTI U NTWA. Kangi u nsololi gwabwanaloli atisakukīndanamo siku ukufuma ku—ku lisyu lya nsololi uyungi. Abene batisakukipelamo siku Ilyene ukuyoba ikindukimo iki Ilyene litikuyoba. Abene bisakuyobaga itolo katikati iki unsololi ugwabwanaloli aayobile, ikyo kikubapela abene ukuya nsololi. Polelo akabalilo kāko abēne bikukyēga kila, kangi polelo abēne bikuyobela-ngānīla iki kikwīsaga, bikumanya iki, nu lutēde mu ndumbula syābo, ukuti baleke abene ukubagila ukuyoba ikindukimo ikisobi kangi ikylene kibagile ukundongosya umundu yumo kubusobi. Uswe tutikulonda ukubomba ikyo. Uswe tukulonda ukuya naloliloli basisimikisye ukuti uswe tuli ni Lisyu lya Ntwa bo uswe tukāli ukuyoba ISI SYO IKUTI U NTWA. Muketile? Ikyēne kikufimbilisigwa ukuya u naloliloli, indumi yakatalula ukufuma ku Kikota kya Kyala, kisita ikyo uswe tulingayoba ngamo siku ikylene.

²⁸ Lilino, akabalilo kōsa mu kufūnda a Masimbo, umwēne ākētīle ukuti ifyīnja malongo-mahano-na-mabili fyāmalikaga. Polelo, umwēne ukuya kula ifyīnja malongo-ntāndātu-na-lwele, kisyēle ifyīnja fibili mu nkyeni mpaka Kyala isakugomokesyāga abāndu Bāke ukugomokela ku kīsu-kāya kābo.

Bo āli ndwiputo, uswe tukusyagania ukuti aalipo u Gwandumi gwamaka aalisile ukufuma ku Mwanya. Ngimba aligwesa abagile ukukōlela i ngamu Yāke? [Ikilundilo kikuyoba, “Gabrieli.”—Nsimbi] Gabrieli. Kangi Umwēne yo Gwāndūmi ku kipanga kya kiYuda. Balinga bakimenye ikyo? Kulikosa, ikylene yo Gabrieli. Gabrieli yo ntumigwa ku kipanga, i kipanga kya kiYuda; alinkwisa kwa Mariya; Umwene aalisile kwa Sakaria. Bwila, ikylene yo Gabrieli. Kangi Umwene yo yumo mwa Bāndumi abakulumba ba Kumwanya. Kangi ngimba Umwēne

akātŵēle u Nkundwe Danieli gwītu ulupōnio lwa luko ulununu ukufuma kwa Kyala! “O, Danieli, nganigwa mbunywāmu!”

²⁹ Ngimba ikyo kitikukupelaga ugwe ukuya nnuu, ukwinogona ukuti Kyala ākuganīle ugwe? Linga une ngāli nganigwa mbunywāmu, une āngali itolo ngulōnda ukumanya ukuti une une mu luko lumo nganīgwe panini panandi mmwanya Kula, bule ugwe? Naloli. Itolo mu luko lwa... Umwene ikwinogona isya une, kamokene pa kabalilo, ikyene kikumbelaga une itolo ukulonda ukuywega, ukwīnogōna ukuti Umwēne pōpe ikumbākīsiya une. Kangi uswe tuli nabo ubusisimikisyo ukuti Umwēne ikutupākīsiya uswe, panongwa yakuti, “Akabalilo kako uswe twākāli twāli batulwanongwa, Kristi āfwīle mbuyo bwitu,” nkundwe. Kangi, lilino, uyu uswe twāli bahesya ukufuma kwa Kyala, lilino atutēndīke uswe ukuya kifuki kwa Kyala kangi atupēle uswe ikikole ikya bupoki bwītu, uyu yo, u Mbepo Mwikemo. Kangi nu lwitiko nkati mula ulu lukutufyusya uswe pamwanya pa findu fya nkisu, kangi uswe tukwitoga pa mwanya pa ikyene. Ikyo kyo kyalwimiko. Bule ikyene? Umma ndaga.

³⁰ Bo ali ndwīpūto, Gabrieli ikwīsa nukumbūla umwēne ukuti fyālipo fyēne mma ifyīnja fibili ifyakongelelāpo bo abēne bakāli ukugomokela ku kīsu kyakukāya, lōli ālimbūlīle umwēne ubufikilo bōsa ubwa kīsu kila. Inogona isya ikyēne! Ubufikilo bōsa, ubulēndo bulibōsa bwa kīsu, Gabrieli alinkukilīngānia ikyēne kwa Danieli. Alinkuti Umwēne ātumīgwe ukumbula Danieli ikindu ikikulumba iki. Mūmo unsolōli yula ābagīle ukwīpilika! Kangi Umwēne ālimbūlīle umwēne ukuti gilipo imilungu malongo-mahano-na-mabili gibīkīgwe ku bāndu, mpaka kubumalikisyo; ikyo kyo kabalilo ka bumalikisyo, popāpo ikyēne kyo mōsa mōsa, mpaka bumalikisyo. Umwēne alinkuti, “Gilipo imilungu malongo-mahano-na-mabili.”

³¹ Bamo mwa bene bikwītikisya ikyo ku myēsi, bamo ku masiku, bamo...Huu! Linga igyēne gyo itolo naloli milungu, filipo itolo kifuki fibili na sinda-gwa-sinda gwa kyīnja, pamo kimo na sinda-gwa-sinda gwa kyīnja gwa ikyēne. Kangi, muketile, ugwe...Apo po apa uswe tukufimbilisigwa ukwaga, ukuya gwabwanaloli.

³² “Imilungu malongo-mahano-na-mabili gibīkīgwe pa bāndu bāko.” Kuli ulubingililo lwa fiki? Panongwa ya fiki? Ngimba bo bāndu ba ywāni ikyēne kyasimikisigwēpo? Abāndu ba Danieli, abaYuda. Kangi ngimba ikyēne kyabīkīgwe ku fiki? Pa Danieli mwēne mma, lōli pa kāya akīkemo ka Danieli; muketile, akāya akīkemo ka Danieli. Lilino, kalasi, ngimba a kāya ka Danieli kāli ko fiki? [Ikilundilo kikuyoba, “Yerusalemu.”—Nsimbi] Yerusalemu.

³³ Kangi lilino uswe tukwegaga, lumo ukwisa ku kyene ikilo iki: Ngimba ali kugu u Yerusalemu? Ywani alyālīle u

Yerusalemu? Ngimba umwe mwinogonilemo isya ikyo? Ngimba yo ywani alyâlîle u Yerusalemu? Ko kabalilo kaki akêne kâlyâlîgwe? Uswe tukuyaga pakufika ku kyêne, ukufuma pa kabalilo. Ngimba alyâlîle u Yerusalemu? Ndumiana, icyêne kyo kindu kinini iki kifisîgwe ukugomokela mu nguto, lôli Ikyêne naloli kikukubûla icyêne. Ena, nkulumba. Yo ywani âlyâlîle u Yerusalemu, kangi akabalilo kaki akêne kyâlyâlîgwe? Umma ndaga. Kangi ako ko kâya akîkêmo ka Danieli.

³⁴ Kangi uswe tukupilikisya ukuti akâya kala, aka ko lilino kafumile ukuya kigune ku fyinja maelifu mabili, kisakuyêngigwa kangi nu kwâlîgwa-kangi. Kangi u bwiputi bwa têngpeli bwisakubâtikigwa lôsa itolo mumo ukwene kwâyîlîle kubwandilo. Uko ko kotalusya. Yerusalemu isakuyaga, lilino, kangi kwisakuyapo i likemo, icyabupi kya lisiku lililyôsa kikupîgwa kangi itolo bo mûmo icyêne kyâyîlîle mbwândilo. Uswe tukuya pakubuka nkati mwa ikyo, une ngusakikisya, ikilo iki, pamo ikilûndiko kya icyene.

³⁵ Lilino une ngulonda umwe mumanye, binangu, ukuti, ukutika pa findu ifi, une naloliloli ngulekako imilungu gya bumanyisi. Lôli itolo mu luko lwa kutika icyêne, ukuti akabalilo kâko akabalilo kakutalalako, pamo pankyenipo panini, akabalilo kâko uswe tukufika mu Fungilo Sihano-na-sibili sila, Isahani Ihano-na-ibili, i Ngangabwite Sihano-na-sibili, fyosa ifindu ifi, ifi une mbagîle ukugomokelamo nukuyoba, “Ngimba umwe mukukumbukila pa milungu malongo-mahano-na-mabili gya Danieli? Ngimba umwe mukukumbukila i ngulilo ya Kipanga, akabalilo kâko iyêne yâbûkîle mmwanya, kangi kyo fiki kyâbonîke pa buyo?” Kangi igi imilungu malongo-mahano-na-mabili gwa Danieli gikwega ukufuma ku fyûka mmwanya kwa Kipanga mpaka ukwisa ukugomokela kwa Kipanga. Ifwasi yila yo iki icyêne kikwega. Lilino, lilino, komma imilungu malongo-mahano-na-mabili gyosa gya Danieli; kiyabo kya icyêne. “Imilungu malongo-mahano-na-mabili gibîkîgwe.”

³⁶ Lilino, lwalipo u lubingililo lwa katândâtu-kôsa mu luyâto Lwâke, ukumbula umwene iki kyayaga pakuboneka. Lilino, lwalipo u lubingililo lwa katândâtu-kôsa lwa kwîsa Kwâke. Lilino, ikilo iki, une ngwinogona uswe twisakusôka panja apa mu Masimbo ga kûko uswe twâlîko ulubunju ulu, kûko kila kyâlîkou lubingililo lwa katândâtu-kôsa. Apa uswe tulipo. Lilino uswe tukukyâgânia ukuti lwalipo u lubingililo lwa katândâtu-kôsa, yimo mwa kyêne. Lilino unko uswe twêge i . . . -gwabuna untu, i . . . -lyabuna ilinândi . . . lya 24 ilinandi ilya untu gwa 9 gwa Danieli.

*Kangi imilungu malongo-mahano-na-mibili gibîkîgwe
pa bându bâko . . .*

Lilino kumbukilaga, ikyo kyo kyôsa iki injila ya baIsraeli yisakuya nakyô nkîsu iki. Igyêne gisisimikisigwe. Imilungu

malongo-mahano-na-mabili gibīkígwe itolo. Ikyo kyo kyōsa kiyabiligwe ku baYuda.

. . . pa bandu bako kangī pa kaya kāko akīkēmo, . . .

Polelo, imilungu malongo-mahano-na-mabili, lilino komma ukupōndwa ikyēne, ikyēne kisakusetula ukufuma ku kabalilo kala ukubūka ku bumalikisyo bwa baYuda, kangī kope ku bumalikisyo bwa Yerusalemu, mpaka kwisakuya kāya akapya kayēngígwe. Lilino, o, une ngusubila uswe tukwisa mu kyene, naloliloli kinunu kangī kisolofu ikilo iki.

. . . gibīkígwe pa bāndu bāko kangī pa kāya kāko akīkēmo, . . . (Ku fiki?) . . . ukumālīsyā ingilānio, . . .

³⁷ Ngimba Umwēne alimbūlile fiki umwēne lilino? Umwēne āgelāga ukwāga bo butali buki ukwēne kwayaga pakuyaga. “Une mmenye uswe tuli nkabalilo ka bumalikisyo.” Mūmo uswe tuyīlile lilino, “Ntwa . . .”

³⁸ Balinga mu kalasi iyi, ikilo iki, bikwitika ukuti uswe tuli pa kabalilo ka bumalikisyo? Yoba, “Ameni.” [Ikilundilo kikuyoba, “Ameni.”—Nsimbi] Ndaga umwe. Uswe tuli ku bumalikisyo. Lilino uswe tukugela ukukyāga, na Kyala, itolo akabalilo katali kaki aka kikuyaga. Iisiku liliku uswe tukwitugasyamo? Fyōbēne uswe tukugomokela nukusala abasololi aba, na fyosa bo ifyo, nukugéla ukusyagania kūko uswe tuliko.

³⁹ Kangī ikyo kyo iki Danieli ābombile. Umwene ābīkile ikisyo kyake kwa Kyala. Balinga aba bābalīle Danieli 9 umwisyugu? Fyusya ifiboko fyinu. Umma ndaga. Umwe muketile ulwiputo lwake, mumo umwene átendike ulwilāte lwake ku bandu bake, nu kwilata kwa mwene. Umwēne ālōndāga ukuya nsisimikisyi ukuti umwēne āsyāgénie akabalilo kāko abēne bābūkāga ukugomokela, panongwa yakuti umwēne ālōndāga ukubatwāla abāndu ukwītēndekēsya ukugomokela.

Lilino, iki une ngugela ukubōmba, ko kusyāgānia akabalilo kāko uswe tukubūka mmwanya, kangī ukubēga abāndu ukwītēndekēsya ukubūka mmwanya, aba bālītēndekīsye. Kangī uswe tubīkīle kisyo kyītu kwa Kyala, ukwisila mu nyīpūto nukulāmba, ukusyāgānia, “Ntwa, yo sala nki uswe tukwītūgasyāmo?”

⁴⁰ Uswe tufibwene ifindu fyosa ifikīndāne ifi fikuboneka; uswe tukukéta ikisu kyapasi mbufubanie. Uswe tukukéta akabalilo kali kifuki. I ki- . . . ilisīmbo lya kiboko lili pa kibūmba, kilikyōsa iki Kyala āyobile. Uswe tukupilika u Prezidenti gwītu ikuyoba isya bwīte ubungi, lululu lilino bukwīsa. Uswe tukupilika ukulagusya, “Nkati, o, nkati mu sala panini ukufuma pa bwīte, kisololigwe ukuti ifikolo fikuyaga nakimo loli lufumbi lwa butēke.” Kangī uswe tumenye uswe tulinakyo ikyene.

Popāpo uswe tumenye, bo ikyo kikāli kikaboneka pa buyo, i Kipanga kikufimbilisigwa ukubūka. Popāpo, “Ntwa,

ngimba uswe tuli kugu?” Fyōbène une ngwitika ukuti Umwēne isakwitikisya uswe ukumanya. Uswe tukubika ifisyo fyitu ukusyāgania. Lilino, ikyākwānda, unko uswe tusyāganie.

*Imilungu malongo-mahano-na-mabili gibikigwe
pa bāndu bāko...akāya kāko akikēmo,
ukumālisya ingilanio,...ukupela ubumalikisyo bwa
butulwanongwa, kangī ukutēndēka isayanisano
panongwa ya bōnangi,...ukutwāla mu bugolofu bwa
bwilabwila, ...ukufūnga mōsa imboniboni nu busololi,
nukōnelēla u Mwīkēmo unkinde.*

⁴¹ Ulo lo lwali lubingililo lwa katāndātu-kōsa ulwa kuyatila kwa Gabrieli.

⁴² Lilino unko uswe twandeko, mbalilo yakwanda. Linga umwe mukulonda ukusimba ikylene, umwe mwe muli ni kisimbilo. Mbalilo yakwanda, “Ukumalisya ingilanio,” ikyo kyo kindu kyākwānda. Lilino, ukumālisya ingilanio sya Israeli, yūyo ākilēnie ukulwana na Kyala, kwisakuyaga kusanuka ukusōkapo kwa busitakuyala bwa Yakōbe.

Lilino, ukukyāga iki, unko uswe tusanukile ku Baroma. Untu gwa 11 gwa Baroma, kangī andaga ni linandi lya 21 lya Baroma 11. Lilino uswe tukuyaga pakubomba fiki? “Ukumalisya insobi.” Baroma 11:21. Umma ndaga.

*Kabuno linga Kyala akalulekile mma ulwakipeligwa
ulusāmba,...(Iki kyo ywāni? Israeli.)...pilikisya
ndeke...yōpe alingabalekaga umwe.*

Lilino, une ngulonda umwe, akabalilo kako umwe mukubuka ku kāya, ukubala ugu untu gosa gwa 11. Une itolo ngubala iki ukuti...Ngw’ala untu gōsa gwa 11, kangī bala ugwēne.

...ukulekako ugwe mma.

*Kēta polelo u bununu...ubugāsi bwa Kyala: pa bēne
bābo bāgwile, ...lōli kubwa kwa umwe, ubununu, linga
umwe mukukindilila mu bununu: kisit’apo umwe...
mwisa kutumuligwako, nūmwe mwisa kutumuligwako.*

*Kangī abēne bōpe, linga abēne batikwitūgāla
mma kimyemye mu busita-...linga abēne
batikwitūgāla mma kimyemye mu busitakwitika
bisa kusomekigwamo: namanga Kyala yo abagile
ukubasomekamo abēne nkati kangī.*

Muketile, ukuyoba ukuti kwisakuyangako akabalilo aka akabalilo kāko u Gwapanja isakutumuligwāga ngako, kangī Israeli alinkugomokelamo kangī.

*Kabuno linga ugwe gwātumuligweko ukufuma ku—
gwa mpiki gwa māfilu ugu go gwāndisu ukwisila mu
kipeligwa (Bāpānja), kangī gwāsosomekigwe ukulwāna ni
kipeligwa...*

Uswe twākīndēne ni kipeligwa, bahesya, kisita kisa, kisita Kyala, kisita nalumo u lusūbilo na panandi. Kangi Kyala, ni kisa Kyake, ukutupa uswe ulusako, ukutumulako Israeli ungolofu panongwa ya ngilanio, nukubasanukila ku lubafu, i kyandi- . . .umfugano umpiki gwa māfilu, nukutwalamo nkati umpiki gwāndisu gwa māfilu, ukukīndana ni kipeligwa.

. . .ku u nnunu . . .umpiki: bu bunywamupo bulebule fisakuyaga ifi, isi syo sām̄ba syakipeligwa, sikuyaga nsomekigwe nkati mwa mpiki gwabo gwene gwa māfilu?

Umma ndaga, unko uswe tubale ukukīndilila.

Namanga une ngālōndaga, bakundwe, ukuti umwe muyege basitakumanya isya kyāmbutūtu iki, musulwe mulingayaga bamahala mu bupilikisye bwīnu mwibēne; ukuti ubufwamaso nkiyabo ubwa bwabonike ubwa Israeli, bukuboneka kwa Israeli, mpaka ubwisusigwe bwa Bāpanja . . .bukwisamo nkati.

⁴³ Mpaka Kyala amalēne na Bapanja, Israeli ākupililigw’amaso. Abēne balinkubūka ukusōka mbutulwanongwa kangi ku ngilanio ukulwana na Kyala, panongwa yakuti Kyala akupilile ifisige fyābo, ukuti uswe tubagile ukusomekeligwāmo nkati. Umwe mukupilikisya ikyēne? ilinandi lya 26 lilino:

Kangi polelo Israeli gwesa isakupokigwaga: . . .

⁴⁴ Kyala abagogile amaso abene pa nongwa ya ugwe na une. Abene bikutoligwa ukuketa, panongwa yakuti Kyala abagogile amaso abene. Kangi Israeli gwesa, Israeli ugwabwanaloli, isakupokigwa. Ngimba u Gwāndūmi āyobile fiki? Lwīmīko! “Ukumālīsya ingilanio sya Israeli! Une nisile ukukubūla ugwe ukuti pisakuyapo akabalilo pāpo ingilanio sya Israeli sisakumalisigwaga.” Kyala isa kutumulako u lusām̄ba ulwāndisu lula, nukusomeka nkati mula, ukugomokesya, lula ulwanaloli ulusām̄ba ukugomokesya.

⁴⁵ O, utubalilo tumo ikyēne kikupela indumbula yangu ukunyēla, ukubabona bala abalōndo, abapelakisa abāndu batumuligweko panja kwisīlya, kisita kumanya kūko abēne bikubūka; nukwinogona ukuti Kyala, mu kisa Kyāke, ābōmbīle ikyo ukuti une mbagīle ukupokigwa. Alinkugoga amaso gabo ukufuma kwa Mesiya gwabo bene, ukwigalila imbulukutu syabo ukuti abene balinkutoligwa ukumpilika Umwene; lōli, kēta kulakula ku fika Fyāke, kangi kēta kulakula ku fika Fyāke ni fīndu ifi Umwēne ābōmbāga.

⁴⁶ Matai, une ngwitika, untu gwa 12, pamo untu gwa 8 pamo gwa 12, alinkuti, “Palema nalinga Yeso aabombile ifika fingi fiyo, loli abene balinkutoligwa ukwitika.” Panongwa yakuti, Kyala aayobile, “Abene bali na maso kangi abene bakabagila ukuketa, kangi imbulukutu loli bakabagila ukupilika; pene papo

abene bikuketaga na maso gabo nu kupilika ni mbulukutu syabo, kang'i Une ngubapindusyaga abene." Lōli, ukuti uswe tubagile ukuya nu lusako, Umwēne alinkukwābila ikikingo pāsi pamwanya pa maso ga bāna Bāke Mwēne, ukusanukako ku Bake Mwēne abāna ukufuma ku mēsa, kang'i ukubasanusila abēne panja ku bugānde bwa Mbepo, ukuti Umwēne abagile ukwāga . . . ukuti uswe tubagile ukuya nu lusako ukuya būmi, ukupa uswe u Būmi. Ilinandi lya 26, kang'i.

Kangi polelo Israeli gwesa isakupokigwaga: mumo ukwene kusimbigwe, Pisa kwisapo ukufuma mu Siyoni u Mbāngi, kang'i isa kusanusya ukusōsyāpo ubusitakyala ukufuma kwa Yākōbo:

⁴⁷ Ena, Umwene isakwisaga ku Kyamba Siyoni, limo mwa masiku aga. Pa Kyamba kya Māfilu, abēne bisakumbona Umwēne, kang'i bōsa Israeli bisakumanya ikyēne yo Mwēne. A Bāpanja bisakumalisigwa akabalilo kala. Ulusamba lula ulu lusomekigwemo, Kyala isakwēgāga ukufuma ku gwēne ikipaso iki kibūnganisigwe. Kang'i ulusamba lwandisu lula lwisakuyaga . . .

⁴⁸ Kang'i lilino kumbukilaga, kunyuma nkati muno bo umwe mukubala, Umwēne alinkuti, "Linga imisisi gila gyāli mīkemo, kang'i imisisi gila gyāli Nsisi umwīkēmo, kyōpe i kipaso iki kikwīsako ukufuma ku Nsisi umwīkēmo gwisakupāpo i kipaso ikīkēmo." Kang'i linga u Nsisi yula āli Yeso Kristi, Uyu yo fyosafibili Nsisi ni Kimela kya Davidi; linga u Būmi bula bwāli mwa Umwēne, bwālisile pala ukwisila mu ngulilo ya kiYuda kang'i bwatumuligwe ukufuma ku bēne, kang'i amaso gabo gagogigwe ukuti uswe tubagile ukuketa, ubumi bwitu bukufimbilisigwa ukwifwanikisya nu Lusamba ulusayigwa lula. O, ena, nkundwe. Uko ko kutalusya.

⁴⁹ Kyala aatumwileko abene, pabwīgāne, kang'i aagogile amaso gabo ukuti uswe tuyege nu lusako ukuketa, ukutupapo uswe ulusako. Kang'i uswe tukwenda ukusyungutila tuliti uswe tuli yumo. Pauli ikubabūla abēne apa, "Ega ulupilikisyo, mūmo mukubōmba ikyo. Ega ulupilikisyo! Namanga linga Kyala akabalekile mma u lusāmba lwakipeligwa, isakuyaga bulebule Umwēne ni kisa kilikyōsa ikyakongelelapo pa lusāmba ulwāndisu ulu lo lusalile . . ."

Polelo uswe tukwenda ukusyungutila, tukuyoba, "Une ndi gwa Presbeteri! Une ndi gwa Methodisti! Une ndi gwa Baptisti! Une ndi gwa Pentekosti!" Ikyo kitikusanusya nakimo kwa Kyala. Ugwe kufimbilisigwa ukupāpigwa kabubili mwa Mbepo Mwikemo yula uyu ukufuma ku Nsisi. Lōli Umwēne ikwīsa . . .

⁵⁰ Lilino, kumbukilaga, Umwene atikuyoba isya Gwapanja mma. Une ngusopamo itolo iki muno ukuti umwe mukukēta kūko a Bāpanja bali nu lusako lwābo.

⁵¹ Lōli, Umwēne ikwīsa “ukumalisya i ngilanio,” ukupela ukumalisya kwa ikyēne. Lilino, linga uswe tukugomokela mwa Danieli kangī, kangī uswe twisakusyāgānia ukuti mwa Danieli, uswe tukusyāgānia apa, ilinandi lya 24. Umma ndaga. “Ukumālīsyā ingilanio.” Ukumālīsyā fiki? Ukumālīsyā ingilanio sya Israeli.

Fyo fiki *ukukilania*? Ko kubūka ukulwana ni kindukimo. Ukilania ukulwana na une, ko kubōmba ikisobi kwa une. Ukukilania ukulwana na ugwe, ko kubōmba ubusobi kwa ugwe.

Popāpo, Israeli ābōmbīle ubusōbi kwa Kyala. Kangī mu ndungu gwamalongo-mahano-na-mabili ugu, ngimba fiki fikubonekaga? Kyala ikuyaga pakumalisya ubusobi bwa Israeli. “Ukumālīsyā ingilanio,” isakuyaga, “ukusanukila ukusōkako ku busitakyala ukufuma mwa Yākōbo.” Kangī polelo Israeli gwesa isakupāpigwa kabubili. Bosa ba abene bikwambililaga u Mbepo Mwikemo.

Lilino, mbalilo yakibili, simba ikyo pāsi pa kalatasi gwāko.

⁵² Uswe tubagile ukwitugasya pa kabalilo katali pa ikyo, loli une ndikulonda ukubuka ku bulumbilili pa ikyene. Itolo ngulonda ukuyoba kwa umwe, ukuti umwe mubagile ukukitwala ikyene pasi kifuki. Akabalilo kāko uswe tukufika mu Fungilo Sihano-na-sibili isi, polelo ugwe kwisa itolo ukukindilila ukwisīla mu Kipanga, ukwisīla mu Fungilo, ukwisīla mu Mbungo, kangī mukumanyaga kūko uswe twīmīle. Umma ndaga.

⁵³ Mbalilo yakibili, “Tēndēka ubumalikisyo bwa mbībi.” Lilino unko uswe tubāle kangī, Danieli.

... ukumālīsyā ... ingilanio, kangī—kangī ukupela ubumalikisyo bwa mbībi, ...

Ulo lo lubingililo Lwāke ulwakibili ulwa kwīsa. Ikyākwānda, ko kumālīsyā ingilanio sya Israeli; nukupela ubumalikisyo bwa mbībi. Ko kūgu kūko Israeli atulilw’inongwa? Ngimba ko kūgu kūko abēne babōmbīle ubutulwanongwa bwābo ubunywāmu? Ngimba ko kugu abēne balipāgwīle bene ukufuma kwa Kyala?

⁵⁴ Lilino pilikisya kifuki. Unko uswe tusanukīle ku Mwikemo Matai 24. Kangī apa po pāpo Israeli āpelīle ubusobi bwāke ubwakufwila. Apa po apa umwene ābombīle ubutulwanongwa bwake ubwabumalikisyo, kangī i nongwa umwene ali mbwitugasye umwisyugu. Matai, untu gwa 27 gwa Nongwainunu ya Mwikemo Matai, kangī ilinandi lya 25 ilya ntu gwa 27. Unko uswe twānde kifuki i—i linandi lya 21.

U ndindilili alinkwāmula kangī alinkuyoba ku bēne, Kali yo ywāni pa babilī mwisa umwe ukuti une numwābūlīle kwa umwe? Kangī abēne balinkuyoba, Baraba.

Lilino kumbukilaga, uyo yo Israeli. “Baraba!”

Pilati alinkuyoba ku bēne, Ngimba une ngubōmbaga fiki . . . na Yeso uyu ikukōleligwa Kristi? (Pilikisya ku bēne!) Abēne bōsa balinkuyoba ku mwēne, Unko umwēne ayege nkomeleligwe.

Kumbukilaga, uyo yo Mesiya gwabo uyu Daniel aayobile ikwisaga. Kumbukilaga ulubunju ulu, mu kimanyisyo apa, “Umwene isakutumuligwāga, komma panongwa ya Mwene,” komma nakimo Umwene ābombīle.

. . . Unko umwēne ayege gwakukomeligwa.

Kangi u ndindilili alinkuyoba, Fiki, bo bubibi buki ngimba umwēne abōmbīle? Lōli abēne balinkukūta bubunywāmupo, bikuyoba, Unko umwēne akomeleligwe.

Polelo Pilāti ākētīle ukuti ābagile ukupōnjōla nakimo, lōli . . . tutigi ulusāmbuko lulinkutendekigwa kangi umwēne alinkwēga amisi, kangi alinkusuka amaboko gāke pankyeni pa kilūndilo, ikuyoba, Une ndi nsitanongwa gwa lilopa lya mūndu ungolofu uyu: kēta . . . ku kyēne.

55 Pilikisya! Apa bulipo ubusobi bwābo. Apa bulipo ubutulwanongwa bwābo.

Polelo balinkwamula . . . abandu, kangi balinkuyoba, Lyake ililopa liyege pa uswe, kangi pa bāna bitu.

56 Apo po pāpo abēne bābōmbīle ikyēne. Umwēne ātēndekaga ubumalikisyo bwa butulwanongwa panongwa ya bēne. Ngimba Umwene abagile ukubomba bulebule akandu kalikosa akangi loli ukubahobokela abene, amenye ukuti Umwene abagile ukukupilila amaso gabo, ukuti uswe tubagile ukwisa? Ikyene kifwene bo bana Bake Mwene ikukolela ku Lilopa Lyake. Kangi abene bākupililigwe, kangi Umwene āmenye abene bākupililigwe. Fyōbēne Umwene ākūtīle kuli uluhobokelo panongwa ya bene. “Bahobokela abene, Tata, kabuno abene bakakimanya iki abene bikubomba.” Abene baali bafwamaso. Panongwa ya uswe abene baatendekigwe bafwamaso. Mu busitakwitika bwābo abēne bābōmbīle iki. Lōli akabalilo kāko abēne bikumbona Umwēne kangi . . . Ameni!

57 “Ukubika ubumalikisyo ku butulwanongwa.” Ngimba ubutulwanongwa bo fiki? Ukusitakwītīka. Abēne bakālītīke mma yula āli Mesiya. Abene balinkutoligwa ukumbona Umwene ukuya Mesiya, loli Umwene ābombīle ikimanyilo kilikyosa Mesiya ābagisenie ukubomba. Loli abene balinkutoligwa ukuketa ikyene. Abene bāli bafwamaso.

58 Polelo akabalilo kako umwe mukuketa abandu bikuyoba, “Une ndikwitika mu bubumbulusyo Bwakyala. Une ngabagila ukuketa ikyene. Une ngabagila ukuketa ulosyo ulu lwa Mbepo Mwikemo.” Komma ukukalala na bene; abene bo bafwamaso.

Abene bikuyoba, “Une ngutoligwa ukuyibona i Ndumi iyi iya Umwene Ukwisa. Une ngabagila ukulubona u losyo ulu ulwa Mbepo Mwikemo. Une ngabagila ukuketa uluyūngu ya liyoka. Une ngabagila ukuketa ifindu ifi.” Abene bo bafwamaso, kangi batikukumanya ikyene. Itolo iputila abene. Umma ndaga.

⁵⁹ Mu busitakwitika bwābo; lōli, akabalilo kākō abēne bikumbona Umwēne, akabalilo kākō Umwēne ikwisa kangi, ikyēne kisakutēndēka ubumalikisyo bwa ukusitakwītika kwābo. O, mwe! Unko uswe itolo tusanukile ukwanda pa Bwāndilo untu gwa 25, untu gwa 45, nukwēga i—i ikyakwēgelēla kya ikyēne. Une nsimbile pāsi apa gamo, mwa Bwāndilo 45, umwe mwe mukusimba ifisimbe. O, mūmo une njiganiile i Nongwainunu innunu iyi iyaiyolo! Umma ndaga. Lilino uswe tumenye apa uswe tulipo.

Ngimba umwe mubagile ukumbilika une kanunu itolo, kunyuma kwa kiyumba? Fyusya ikiboko kyako linga ugwe ubagile ukumbilika une. Une ndinkutwala uyu itugesye kifuki panini.

⁶⁰ Lilino uswe tukuyaga pakubala akayabo ka Lisimbo ili. Une ngulonda umwe ukupilikisya, umwe mwe mukaya nalyo i Bangeli lyīnu. Umwe mwe muli nalyo i Bangeli lyīnu, ikyēne yo Bwandilo. Ikyākwānda, unko uswe twānde mu ntu gwa 44, ukwandila pa linandi lya 27.

⁶¹ Umwene yo Yosefu, kangi Yosefu aali kyo kyakwegelela ikipelelesye kya Kristi. Uswe tumenye ikyo. Balinga bamenye ikyo? Ābengīgwe na bakundwe bāke. Nongwa ya fiki? Panongwa yakuti umwene āli gwamwambepo, umwene ākētāga imboniboni, ukusanusya injosi. Umwēne āli nnyāmbāla gwamwambepo pakati pa bakundwe bāke, kangi abēne bālimbēngile umwēne. Kangi tāta gwāke ālinganīle umwēne.

Momumo Yeso ābengīgwe ni fipanga-fipāgūke, lōli āganīgwe na Tāta Gwāke Kyala. Nongwa ya fiki abēne bālimbēngile Umwēne? Panongwa yakuti Umwēne āli gwamwambepo. Panongwa yakuti . . . Abēne bāyobāga, abēne balinkuti Umwene ndagusi, u mōhēsi.

⁶² Umwe mukukumbukila iki abakundwe ba Yosefu bāyobile ku mwene? “Apa ikwisa unogogwanjosi yula.” Muketile? Muketile, ikindu kilakila. Kangi abene balimulisisye Yosefu pa kifuki untengo gulagula ugu Yudasi aalimulisiye Yeso, utuyabo twa siliva malongo matatu. Alinkunsopa umwene nkibwīna, nukubuka nukumbula u tāta ukuti i kindukimo kyālingogile umwene, umwene āfwīle. Lōli umwēne ālyēgīgwe ukufuma mkibwīna. Kristi āsopīgwe mkibwīna, kangi āfubulīgwe. Kangi ukufuma pala umwene alinkubuka ku buyo ubwapamwanya ukukinda ubu bwalipo pa kisu. Ameni! Yosefu alinkubuka ku kiboko ikililo ikya Farao; kangi Yeso alinkubuka ku kiboko ikitalusye ikya Kyala. Mu lugelo lwāke, bo akāli ukufyūsigwa . . .

Yeso, bo akāli Umwēne ukufyūsìgwa, ābūkile ukukīnda mu lugelo.

⁶³ Fiki, une ngusubila umwene āli Billy Sunday, undumbilili unkulumba yula, alinkuti, “Guligosa—guligosa umpiki gwāli na Bāndūmi maelifu-elifu bitugesye mu kyene, ilisiku lila ilya kukomeligwe, alinkuti, ‘Kwāba itolo ikiboko Kyāko mbwābuke kangi kisōsola kwa uswe. Uswe twisakusanusya ubuyo ubu ukusyungutila apa.’” Lōli Umwene akābagile ukubomba ikyene.

⁶⁴ Kaifasi alinkuti, “Umwēne āpokile mwēne; abāngi umwēne akabagila ukupōka.” Umwēne akāmēnye umwēne āhōmbāga ubuyobelo. Linga Umwene ābagile ukuti ālipokile Mwene, Umwene akābagile ukupoka abangi. Polelo, Umwene alipele Mwene, ukupoka abangi. Muketile, mfwamaso fiyo ukufuma ku kyene. Lilino abene. . .

⁶⁵ Polelo akabalilo kāko umwēne āli kula mu bufyūsìgwe bwāke, pamo, bo bukāli ubufyūsìgwe bwāke, u lugelo lwāke. . . Kumbukilaga, Yosefu aabikigwe mminyololo panongwa yakuti umwene aali nsitabōnāngi.

⁶⁶ U gwa kiRoma, pamo, um’Israeli unkulumba-gwa-bwīte, ni ngamu ya Potifara; Potifara alinkubuuka, nu kusookapo pa bwendo. Umwene āli nu nkasi ummogi, kangi unkasi gwake āli na Yosefu ukwisa mu nyumba ukubomba i kindukimo, nukugela ukumpela Yosefu ukubomba ikindukimo ikisobi. Kangi umwene āli nsubiligwa kwa Kyala. Une ngubabūla umwe, abene akabalilo kosa. . .

⁶⁷ Umwe bakīkūlu, une njwēgile kwa umwe; lilino une nguyaga pakwega ulubafu lwa umwe, i miniti. Muketile? U nkīkūlu yo kyakupīmbila ikyōnywa. Une mmenye pakabagila ukuyapo unnyāmbala umbībi bo pakāli ukuyapo unkīkūlu umbībi. Lōli abanyambala aba bamenye ikyo, abanyambala aba bamenye ukuti ugwe gwe mwanundumiana gwa Kyala, kangi ukwegelapo ulusako pa nkikulu, isoni pa ugwe; kali umwene ikubomba fiki. Umwene yo kikopo ikyōnywapo, kangi ugwe umenye isyo. Linga umwene ikusooka panja, ukuboombela ngati akaya nkīkūlu nnunu, mmwega umwene pa kiboko nukuyoba ku mwene ngati kalūmbu. Ugwe gwe mwanundumiana gwa Kyala. Komma ukubomba ifindu ifibibi fila. Keta kwa Yosefu, umwene aali kyakwegelela kwa ugwe.

⁶⁸ Kangi akabalilo kako unkasi gwa Potifara, unkikulu ummogi uyu, unjindikigwa, gwapamwanya-fiyo, yumo mwa bakīkūlu bapamwanya-fiyo aba bālīmo nkīsu, alinkunsuma umwēne nukundāmba umwēne. Kangi umwēne alinkusyumbutuka, kangi umwene alinkunkōlela umwene nukugela ukumfugatila umwene ku mwēne. Kangi umwēne alinkugutila mpaka umwēne alinkukwāba ikijāsi kyāke, nukubopa ukufuma ku mwēne. Ena, nkulumba. Kangi akabalilo kāko umwēne ukwīngila mula, abēne balinkumbūla

umwēne ubutūngulu pa mwēne, balinkuti umwēne alīngile mula ukummōnanga umwēne, kangi umwēne unkīkūlu ālekīle ikyāke...kangi umwēne ākilekile ikijāsi kyāke pala. Kangi panongwa ya kila umwēne ābūkile mminyololo. Lōli, mminyololo, Kyala āli nu mwēne, kisita kupasya kūko abēne bāmbikāga umwēne.

⁶⁹ Umwēne āli kyākwegelela kya Mwanundumiana gwa bukabi. Kilikyōsa iki Yosefu ābōmbile kyākabaga. Kangi akabalilo kako Yeso ikugomokela mu Fyinj'elifu, fyōbēne ama lulangalanga gikuteketaga bo liluba. Kilikyosa iki Umwene ikubomba kisakukabaga. Umwene yo Mwanundumiana gwa bukabi. Kulikosa kuko umwe mukumbika Yosefu, ikyēne kyāsaiyigwe. Kulikosa kūko Yeso ali, ikyēne kisaiyigwa. Popāpo, mbika Umwēne mu ndumbula syīnu kangi sayigwa.

⁷⁰ Polelo uswe tukwaga lilino, ukuti, Yosefu polelo ābīkīgwe mminyololo. Kangi mminyololo kula bālimo abanyāmbāla babili; yumo mwa bēne āyōngīle, kangi yumo āpokīgwe. Yeso, mu ngelo Yāke pa kipīngīka, u nhiyi yula āyōngīle kangi uyūngi yula āpokīgwe.

⁷¹ Akabalilo kako Umwene āfyūsīgwe, Umwene ābukile ku kiboko ikitalusye ikya Kyala. Akabalilo kako Yosefu āfyūsīgwe, umwene ābukīle ku kiboko ikitalusye ikya Farao, kangi nayumo umundu abagile ukuyoba kwa Farao kisita kuyoba kwa Yosefu tasi nu kuya nu kwitikisigwa.

Kangi akabalilo kako Yosefu āsōkilepo pa nyumba ya bunyafyale...O, mwe! Akabalilo kako Yosefu āsōkīlēpo pa nyumba ya bunyafyale, ingangabwite syākubīle, kangi abanyambala bikukindilīla nkyeni pa mwene, bikuyoba, "Fugama pa mafundo! Yosefu ikwisa!" Ameni!

Kangi akabalilo kako Yeso ikusōkapo pa kiboko ikililo ikya Lugīndīko pamwanya, ingangabwite yisakukūta. Kangi ilifundo lililyosa lisakufugama, kangi ululimi lulilosa lwisakufumusya, "Yeso yo Kwisa!" Naloli! Loli linga... .

⁷² Kangi, kumbukaga, akabalilo kako umwene apīkīgwe na bakundwe bake, ngimba umwene abombile fiki? Umwene ali nayo unkasi gwa Bapanja; umwene āli nu nkasi gwa ku Igupti. Akabalilo kāko Yeso ātumulīgwe ukufuma ku bakundwe Bāke kunyuma kula, abaYuda, Umwēne ālyēgīle u Nsīngilīgwa Gwapanja. Loli lilino, bo fikindilepo ifyinja, ukufuma papo abana bapapigwege, Efraimu na Manase, umwene aali ni kikolo.

⁷³ Polelo, i lisiku limo, abakundwe bake bikwisa ukunjatila umwene. Kētésya. Uswe tumenye akapango, mumo umwene ābikile ikindu ikinini nkati mula, ukutuma ku nyuma. Kangi ukubōmbēla ngati umwēne akābagile nukuyoba injobelo yābo; āli nu nsanusi, kuli i kiHiburi, akabalilo kāko umwēne āli n'Hiburi mwēne. Kangi u nkundwe gwābo āsulwīke pāsi.

Abène balinkusita kummanya umwène. Umwène āli yo nsoka gwamaka.

Kangi lululu lilino, Kristi ikuyatila abaYuda, ukubumbulusya ababine bābo ni findu, kangi pōpe abène bakāli bakammanya Uyu Umwene ali, Mesiya yula.

Unko uswe twānde pa linandi lya 27 ilya ntu gwa 44.

Kangi umbōmbi gwāko u tāta gwāngu āyobile kwa uswe, Umwe mumenye ukuti unkasi gwāngu alimbāpile une—unkasi gwāngu ālimbāpile une abanabalumiana babili:

Kangi yumo mwa bène āsōkilēpo ukufuma kwa une, . . .

Yula āli Yosefu, yulayula uyu abene bāyobá ngako.

. . .kangi une ndikuyoba, Naloli umwène alāsulìgwe mu tupatu; kangi une ngalimbwene umwene mma ukufuma lula:

Kangi linga umwe mukwega uyu yōpe ukufuma kwa une, kangi ifinyali fikungwilāga umwène, umwe mwisa kutwalaga inywili syako isyambuha nu busulumanie ku lipumba.

⁷⁴ Abène bāli na Benjamini unnini pāsi pala, unkundwe gwāke unnini. Umwe mumenye uyu Benjamini ikwimila? Ikibugutula ikipya iki ikyanaloliloli, abaYuda abanaloliloli aba bikubūngána kula lilino ukupela bala maelifu mia-yumo-na-malongo-manana-bana, ulu—ulu uluko ulu lo lwisaga pala. Komma abakomu aba baNdukindi lwa Wall, umma, umma; abo bo fiyopo basikali abaitolo. Abène bakaya baYuda. Abène bakaya baYuda. AbaYuda abānalōli bo bala abanini baBenjamini bikwisapo ukufuma pāsi nkati apa, kangi nasiku bakapilikamo i Lisyu lya Yeso Kristi.

Lilino polelo isaga kwa une. . .kangi tāta gwīnu. . . kangi tāta gwāngu, kangi umwanike uyu alingayaga na uswe; panongwa yakuti ubumi bwāke bupinyilìgwe mu būmi bwa mwanike uyu;

⁷⁵ Ubumi bwa Kyala Mwene bupinyigwe na Israeli. Umwene egile mwene. Uswe tukufikaga ku ikyo mu maminiti manandi, linga u Ntwa ikwitikisya. Umwene ali mbwegi ku Israeli. U Bumi Bwake bupinyigwe ku mwene. Itolo bo mūmo une mbinyigwe kwa Nka. Branham kunyuma kula, unkasi gwāngu, kangi ugwe upīnyigwe ku nkasigo. Ubumi bwako buniembeteligwe mu bwene. Kangi Kyala egigwe kwa Israeli. Kangi ikylene kyali fiki? Yākobo āyobile, “Ubumi bwangu buniembeteligwe nukupinyigwa mu mwanike uyu. Une ngwisaku. . .”

Kangi ukwène kwisa kuyaga, akabalilo kāko umwène ikutubona uswe ukuti u mwānike uyu akaya na uswe. . .

Yosefu ayaga pakukyunga u ndumiana yula, umwe mumenye. Uswe tumenye akapango.

. . .kangi ukuti umwene isakufwaga, ugwise: kangi ababombi bako bisakutwalaga ukusuluka inywili isyambuha isya gwambombo gwako tata gwitu nu busulumanie ku lipumba.

Pilikisya ku busūme bula ubu Reubeni ikupa lilino.

Namanga umbombi gwāko isile ukuya kisimikisyo ukuti u mwānik'undumiana ku gwāko . . .kwa tāta gwāngu, nguyoba, Linga une nguntwāla mma . . . ndikuntwāla umwene mma kwa ugwe, polelo une nisakupimba ululēyēlo kwa tāta gwāngu kwa bwilanabwila.

Lilino polelo, une ngukusuma ugwe, itikisya u gwambombo gwako itugesye mbuyo bwa kalumiana aka . . .

O, mwe! Muketile, umwene imile palapala pankyeni pa Yosefu, unkundwe gwake. Uyu yo Yosefu, kangi umwene atikumanya umwene. O, gulila mpaka Fyinj'elifu yula ikwanda, nkundwe!

. . .lilino mbuyo bwa kalumiana u gwamminyololo ku ntwā gwāngu; . . .

Pilikisya ku mwene, ikulata umwene, “ntwa.”

. . .kangi unko a kalumiana kābūkège kula na bakundwe bāke.

Kabuno bulebutule une ngwisakubūkàga kula kwa tāta gwāngu, kangi a kalumiana aka kakaya na une? ndeke mu soka une ngēte ikibibi iki kisa kwisaga ukuya pa tāta gwāngu.

⁷⁶ Ukulāmba, ukupa u būmi bwāke bwene! Mūmo abaYuda bala bisakwimaga pala na maboko gābo pānja! Kētésya. Kētésya lilino ilinandi lya 45, . . .Pilikisya kifuki, komma ukupondwa ikyēne. “Akabalilo kāko Yosefu ābagile . . .”

Polelo Yosefu alinkutoligwa . . .-kwikasya mwēne— ukwikola mwēne pankyeni pa bōsa bala aba bālimile na yu mwēne; . . .

Nkundwe, apo po kabalilo kāko ubutulwanongwa bukwisakupeligwa ubumalikisyo ku bwēne. Ubusitakwitika bwisakubalanila.

. . .kangi umwene alinkulila, kangi umwene alinkupela unnyambala aligwesa ukubuka . . .ukufuma kwa une. Kangi pala palinkwima unnyambala nayumo nu mwene, akabalilo kako Yosefu ālipelile mwene ukumanyigwa ku bakundwe bāke.

⁷⁷ Ngimba ikylene kyo fiki? Yope nu nkasi gwake mwene alinkugomokela ku nyumba ya bunyafyale. O, mwe! U Nsīngilīgwa mu Lwimiko, akabalilo kākō Yeso ikugomokela (Uswe tukufikaga ku kyēne apa.) ukwipela Mwene ukumanyigwa.

Kangi umwēne alinkukūta amasyu pamwanya: . . .

Yosefu itolo alinkutoligwa ukukóla ikylene kangi mma, kangi umwene alinkulalata panja.

. . .kangi aba Iguṽti ni nyumba ya Farao bapilike ikylene.

⁷⁸ Mpaka kunyuma kula mu nyūmba ya bunyafyale, abēne bālimpilike Yosefu ikuywēga. Lilino, ikyo kyaali kyakwimilila kya Kristi ukwāgāna na baYuda, ukuti, Umwene amenye Umwene abagogile amaso abene ukuti uswe twabagile ukuya nu lusako. Loli akabalilo kako Umwene ikwisa ku bene kangi, ubutulwanongwa bwa Israeli bwisakuyaga bumalike.

Kangi Yosefu alinkuyoba ku bakundwe bake, une ne Yosefu; . . .

Ngimba umwe mukwinogona fiki Yeso isakuyoba? “Une ne Mesiya gwīnu. Une ne Yūyo uyu umwe mwakomelile.”

. . .ngimba u tata gwangu akaali ali nu bumi? Kangi abakundwe bake bakabagiile ukummwamula umwene; kabuno abene balinkutamigwa panongwa ya kuyapo kwake.

⁷⁹ O, une ngufimbilisigwa ukwima apa itolo i miniti. Unko uswe tusanukile kwa Sekaria gwa ntu gwa 12. Sanuka na une lilino kwa Buku gwa Sekaria, untu gwa 12 gwa Sekaria. Kangi lumo une ngwēga akabalilo kanywāpo panini fiyo ukwānda ukulūmbilila pa iki, lōli une—une ngusūbīla umma. Kangi une—une ngulōnda umwe ukukupilika ikyēne, fiyo fiyo.

⁸⁰ Sekaria, unko uswe tugwāge u ntu gwa 12 gwa Sekaria, kangi kēta iki Umwēne isakuyobaga lilino akabalilo kākō Umwēne ikwīma pankyēni pa bakundwe Bāke. Sekaria 12, kangi lya 10. “Pela ubumalikisyo bwa butulwanongwa,” lilino. Umma ndaga, untu gwa 12 kangi ilinandi lya 10.

⁸¹ Kētēsya. Kangi lilino umwēne ikuyoba apa isya basyāle; nu bupoke bwa Yerusalemu; u kinyamana na bābwīte bēgigwēpo, na fyosa bo ifyo; fyosa ifindu fikuya ku bumalikisyo lilino; iki kyo kifuki ku Fyīnj’elifu, ukwitendekesya ku kwānda i Fyīnj’elifu lululu lilino.

Kangi une nisakōnelāga pa nyumba ya Davidi, kangi pa bwītūgale bwa Yerusalemu, u mbepo gwa (fiki?) ipyana . . .

Ameni! Ilipyana ilyakuswigisya!

. . . pa nyumba . . . bītugasyi ba Yerusalemu, (ka Danieli “akāya akikēmo”), u mbepo gwa ipyāna kangi ukwiŷīpa: kangi abēne bisakukēta pa une yūyo abēne bālasile, kangi abēne bisakukūtila umwēne, bo mumo yumo ikukūtila u mwanundumiana gwāke mwēne, kangi isakuyaga mu bubabe panongwa ya umwēne, bo yumo uyu ali nu bubabe kuli u gwākipānda gwāke.

⁸² Pilikisya, ko kukūta nki kula kwisakuyaga akabalilo kāko Umwene imile pala, ukwipela Mwene ukumanyigwa ku bene, bo yu Yosefu aabombile! Pilikisya.

Kangi mu lisiku lila pisakuyapo u luko ulukulumba lwa kulila mu Yerusalemu, bo kulila kwa Hadad- . . .

Une ngabagila ukuyoba ingamu yila, H-a-d-a-d-r-i-m- - o- . . .

. . . Hadadrimmon mu . . . Megiddon—Megiddon.

Kangi mu kisu mwisa ukuyaga ukulila, ikikolo pabene; ikikolo kya nyumba ya Davidi pabene, kangi abakasi bābo pabene; kangi i kikolo kya nyumba ya Natani pabene, kangi ni fikolo fyabo pabene;

I. . . nyumba ya Levi. . . kangi abakasi bābo kangi ifikolo pabene; . . . kangi Simeoni kangi abāke pabene;

Kangi ifikolo fyosa ifi fikusyala, ikikolo kilikyosa . . . kangi abakasi bābo pabene.

⁸³ Abene bikuyaga ba soni fiyo panongwa ya bene, akabalilo kako abene bikwima pala nukukēta ukuti yula Yumo yulayula uyu abene bakomelile kangi bāpikile, imile pala, ugwābo bene umpala Yosefu. Kwisakuyangako ukukūta fiyo! Kangi abene bikuyobaga, “Ngimba ko kugu Ugwe ifyāgile ifikoko ifyo?”

⁸⁴ Umwene alinkuti, “Mu nyumba ya binangu.” Muketile ifi une ngusanusya? Ukupela ubumalikisyo bwa butulwanongwa, ubwa kusitakwitika, ikyo kyo iki Umwene ikwisila.

⁸⁵ Kangi ikyinja kya malongo-mahano-na-mabili ikya Danieli, undungu gwamalongo-mahano-na-mabili, ndigi, ukwisa ukupela ubumalikisyo bwa butulwanongwa, ukubika ikyene panja. Umwe mukupilikisya lilino? Ngimba ulwākwānda bo fiki? “Ukumālīsyā ingilanio.” “Ukutēndēka ubumalikisyo bwa butulwanongwa.” Mbalilo ya butatu, “Ukutēndēka isayanisanio panongwa ya bōnangi.” Umwe mwe mukusimba ikyēne pāsi.

Une nāli nago kifuki a Masimbo mahano na limo kula, lōli une itolo ngukilania pamwanya pa kyēne, panongwa yakuti ukwēne kupile. Uswe tutikulōnda ukwēga akabalilo kingi fiyo mma. Une ngulōnda ukwēga bu bwīngi bwa ikyēne bo mūmo une mbagile, lōli komma ukubakolelēla umwe pakabalilo katali fiyo. Umma ndaga.

86 “Ukutëndéka isayanisano panongwa ya sãmbi.” *Sãmbi* yo “kubõmba ubusõbi,” mũmo abène bãbõmbile pa kipĩngika. Umwène átëndíke isayanisano, lõli ikyène kitisakupákígwa ku bène. Ikyène kikãpakígwe ku bène. Nongwa ya fiki? Panongwa yakuti abène bakupililígwe kangĩ bakabagile ukukêta ikyène. Kangĩ nongwa ya fiki abène bãli bafwamaso?

Ugwe kuyoba, “Ena, lumo, umwisyugu . . . panongwa yakuti une ne mfwamaso.” Ugwe gwe nubwigane ulimfwamaso. Abene baali bafwamaso panongwa yakuti Kyala abagogile amaso abene. Loli ugwe uli mfwamaso panongwa yakuti ugwe nubwigane ulimfwamaso. Kukayapo ulusayanisano kuli ugwe. “Linga ugwe kwitika mma Une ne Umwene,” alinkuyoba Yeso, “ugwe kufwaga mu butulwanongwa bwako.” Uko ko kotalusya.

87 Lilino unko uswe tusanukile ku Sekaria kangĩ, unto gwa 13. Lilino unko uswe tupilikisye apa. “Tendeka ukusayana.” Lilino, kũko iki . . . Une nãlondesyãga u mundu yumo, ukumpilika uyu—ukupilika iki, loli lumo u Ntwa isakutwãlaga ikyene mu njila yimo.

Mu lisiku lila kula bisaku . . .

88 “Mu lisiku lila.” Dok. Schofield ali nafyo apa mu tusimbilotwãpãsi twãke, pamo mitu gyãke gya fiyabo, “A basyãleko . . . A bapĩnduke abasyãleko kyasosolaga ku kipĩngika.”

89 “Ukutëndéka isayanisano panongwa ya sãmbi.” *Sãmbi* kyo “kindukimo iki ugwe ubombile usobíle, iki ugwe umenye kanunupo, ukuti ugwe ukabagila ukubõmba ikyène.” “Linga une ngwĩnogõna i sãmbi mu ndumbula yãngu, Kyala atisakumbilika une.”

90 Lilino, mu Sekaria untu gwa 13, unko uswe twande pa linandi lya 1—pa linandi lya 1.

Mu lisiku lila pisakuyapo inyibuko yigwike mu nyumba ya Davidi kangĩ ku bitugasyi ba Yerusalemu panongwa ya butulwanõngwa kangĩ . . . ububwãpufu.

91 Pisakuyapo i nyumba yigwike. Kindililaga; uswe tubagile itolo ukubala ikyene pasi. Une ngulonda umwe mung’wale ikyo ukuti umwe mubagile ukubala ikyene. Lõli lilino, une ng’walíle mõsa apa ukwanda pa linandi lya 6 nukubala ku lya 10. Umma ndaga, unko uswe tubale lilino nukukêta, ukubala ku lya 9, ndigi.

Kangĩ yumo isakuyoba ku mwène, ukuti kũgu . . . Ngimba fyõ fiki ifilõnda mu kiboko kyãko? Polelo umwène isakwãmula, Bala . . . aba une njile . . . (Unko uswe tukête.) . . . ukwãmula, Fila na fifyo une nãfulasígwe mu nyumba ya bĩnangu.

Sumuka, O lũbo, ukulwana nu ntĩmi, kangĩ ukulwana nu nnyambala uyu yo mwĩnitũ gwangu, ikuti u NTWA gwa kilundilo: tika u ntĩmi, kangĩ ing’osi yisakubalanila:

kangi une nisakusanusya ikiboko kyangu pa banini bala.

⁹² Lilino, Yeso ālyāndisye i Lisimbo lila. Muketile, “Tika u Ntimi, kangi balania i ng’osi.” Lōli kētésya ikiyābo ikyakukōnga. Umwēne itolo ālyāndisye bo bwīngi bula bwa ikyēne. Lōli kētésya iki ikingi ikiyobelo ikya ikyēne kikuyoba, ikiyabo ikikōnge ikya ikyēne. “Kangi une nisakusanusya ikiboko Kyāngu ku banini bala.” Fiki? Ikibugutila kya Benjamini iki kikwisapo lilino. “Une nisakusanusya ikiboko Kyāngu ku banini bala.”

⁹³ “Tika u Ntimi.” Israeli, ikyākwānda, Israeli ātikīle u Ntimi, bābalenie ing’osi ku kīsu kyōsa. Loli Kyala alinkuti, “Une ngusanukaga ikiboko Kyangu kunyuma, ukubaga abene abanini bala ku lisiku lyabumalikisyo.” Ndili? Akabalilo kākō ukusayanisania kwa sām̄bi kutēndekīgwe.

⁹⁴ Israeli isakupokigwa, aligwesa gwa bēne. Unko uswe tusanukīle kwa Yesaya. Yesaya, untu gwa 66 gwa Yesaya, nukubala itolo pakabalilo kanandi. Kangi kēta iki Kyala ikuyoba isya Israeli ukuya mpokīgwe, ko kabalilo katali kaki ikyēne kisakwegaga ukupoka Israeli. Kētésya yo mbibimbibi nki ikyēne kisakwīsāga. Mwa Yesaya, untu gwa 66 kangi ilinandi lya 8. Linga umwe mukulōnda ukubala ilyēne lyōsa, umma ndaga.

Ywani apilikīle i kindu bo ikyo? ywani akētīle i kindu bo ikyo? Ngimba i kīsu kisakutēndekīgwa kangi ukutwāla panja... ilisiku limo... mu lisiku limo? ... kabuno mwa mbibimbibi mūmo Siyoni ikutamiligwa, umwēne āpāpile abāna bāke.

⁹⁵ Mbibimbibi itolo mūmo u Siyoni alimbwene ukuti yula aali Mesiya gwabo, umwene aapapigwe kangi, mu lisiku limo. “Ukutēndēka isayanisano panongwa ya mbībi, kangi ukutēndēka isayanisano panongwa ya sām̄bi, ububwāpufu.” O, mwe! Abēne bābōmbīle kila iki kyāli kibībi, kila kīkyo kyāli kisobi. Isayanisano syātēndekīgwe kuli i sām̄bi syābo.

⁹⁶ Mbalilo yabuna. “Ukutwāla nkati ubugolofu ubusitakumalika.” Ikyo kyo kīndu kyabuna iki Umwēne ikwīsila. Ikyākina, iki Umwēne ikwīsa ukubōmba, “Uku—uku ukutwāla nkati ubugolofu bwa bwilabwila.” “Ukupéla ubumalikīsyo ubwa butulwanongwa; ukusayana; kangi ukwīngisyāmo ubugolofu ubwabwīlanabwila.” Akabalilo kako ingilanio sya Israeli syālisīle ku bumalikisyo... Akabalilo kākō ingilanio sya Israeli...

⁹⁷ Lilino uswe tukubūka uku... Une ngulōnda umwe ukukōla iki, nongwa yakuti akabalilo kākō uswe tukutwāla u nkīkūlu yula, kangi inyīfwīla yikutāgīgwa pānja, ugwe kwisaga ukugomokela ku Lisimbo lilalila kangi. Yaga nsisimikisyi ukusimba Ilyene. Akabalilo kākō ingilanio ya Israeli yīsīle ku bumalikisyo, Sētāno, yu yo nsitāki gwābo kangi nsitāki

gwĩtu, Sētáno isakufũngigwága mu kibwina imisitapási. Akabalilo káko fiki? Akabalilo káko ikutwála nkati u bugolofu ubusitakumalika, ikindukimo iki kikabagĩla ukumalika, fyōsa ifi fyapelaga ubusitabugolofu fisakumalikaga.

⁹⁸ Unko uswe tulyāge Busetuli untu gwa 20 kangi ilinandi lya 13, itolo i miniti, kangi unko uswe tubále apa itolo i miniti. Busetuli 20, kangi 13... Umma, une ngusuma uluhobokelo lwinu. Busetuli... 1 ukufika 3, ikyene kili. Une ngakabwēne mma akang'wāle akanini pakati pa lyēne. Amafuke gāngu apa gikwisa mfisige fyāngu. Busetuli untu gwa 20, kangi unko uswe tukéte.

Kangi une ndinkukēta u gwāndũmi ikwisa pāsi ukufuma ku mvanya, ali ni fungulo sya ku kibwina ubusitapási kangi ilinyololo ilinkywāmu nkiboko kyāke.

...umwēne ālinkolelela pa nyĩfwila, u liyoka ugwaiyolo yula, uyu yo mōhēsi, kangi Sētáno, nukumpīnya umwēne ifyīnja elifu yumo,

Kangi ukuntāgila umwēne nkibwina ikisitapási kila, nukummwīgalila umwēne, kangi nukubika ikifũngilo pa mwēne, ukuti umwēne alingasyōbága i fisu kangi mma, mpaka ifyīnja elifu fila fibagile ukufwanikisigwa: kangi ukufuma apo... ikufimbilisigwa ukwabuligwa akabalilo kanini.

⁹⁹ Ukupela i kyabwilanabwila... “Ukutwála nkati ubugolofu bwabwilanabwila,” Sētáno nkati mu kibwina ikisitapási. Kangi akabalilo kako Umwene ikubomba ikyo, kangi ikumfunga mōsa u mōhēsi uyu asyobile a bandu.

¹⁰⁰ Lilino unko uswe tusanikile kunyuma ku Habakuki, untu gwa 2. Habukuki, untu gwa 2. Kangi lilino uswe tukuyaga pakukēta nongwa ya fiki Umwēne ikufũnga mōsa u liyoka gwaiyolo uyu, kangi inongwa iyi ikyēne kyabōmbeligwe, kangi iki kikuboneka pa buyo palapala ukufuma pāpo umwēne afũngililgwe mōsa. Une nkiganile iki, bule umwe? Ikyene—ikyene kikututwala uswe ku bumanyi bwa bamo. Habakuki, Habakuki, untu gwa 2 kangi ilinandi lya 14, une ngusubila iliyene lili, une ngulonda ukubala. Akabalilo kako iki kikuboneka... Kētēnya.

Namanga i kīsu kisa kwisusigwa nu bumanyi kangi u lwīmiko lua Ntwa, bo mūmo amīsi gikukupilila inyānja.

¹⁰¹ *Brrrrr! Mwe! Whuu! Mmasyu agangi, akabalilo káko undugu asōsígwepo, ubumalikisyo bwa butulwanongwa bwīsilē, ukutwala nkati kwa bugolofu bwabwilanabwila bwīsilē, Sētáno afũngililgwe mōsa mu kibwina kisitapási, kangi u bumanyi bwa Ntwa bwisakukupilila i kīsu bo mūmo amīsi gikukupilila i nyānja. Ameni! Lwimiko kwa Kyala! Ikyene kikwisa, nkundwe, ikyene kikwisa! Abakikulu bikuyaga bakikulu bagīndikigwa, kangi abanyambala bisakuya banyambala-bagīndikigwa. Ameni!*

Akabalilo kâko u bumanyi bwa Ntwa
 bwisakwîsusya i kîsu ni nyânja na mmwanya;
 Kangi, o, indumbula yāngu yikukoloma,
 ukukútila i lisiku lila ilinyafu ilya bwābúke,
 Akabalilo kako Yeso gwitu isakugomokela ku
 kîsu kangi.

¹⁰² Ameni! Umma ndaga. Lilino, u Fyinj'elifu polelo alipo. Ako ko kabalilo kâko a Fyĭnj'elifu, akabalilo kâko a Kāya kakuya pakuyēngigwa. Ikyabuna... Une ndinago kifuki a Masimbo ntandatu ukongelelapo, loli uswe tukubopelaga. Lilino, akabalilo kâko uswe tukugomokela, une nisakupĭmba agāngi aga a Masimbo; lōli itolo mbatwālile umwe ifundo inywāmu.

¹⁰³ Mbalilo yabuhano. "Ukufūnga imboniboni nu busololi." Muketile, u Gwandumi yula alinkwisa ukufūnga imboniboni nu busololi.

Une—une nkibengile ukuyoba iki. Loli, u nsĭmbi yumo unkulumba, uyu une nābalāga ngapo lisiku limo, linga umwene akāli nakyo kila kifuluganikemo! Umwene alinkuti "Fiki ikyene kyāli..."

Lilino, itolo ukunāngisya mūmo ubutoyofu... O, nhobokela une, une ndikusanusya ukuyoba ikyo mma. Nswaga une. Une ndikusanusya ikyo mma, une naloliloli ngābombile. Umma. U—u—u nnyāmbāla kisita bupakigwe, muketile.

U nnyambala yula āyobĭle, "Ugwe uketile apa ukuti imboniboni nu busololi fyo bwĭla fyālĭtikisigwe ku kipanga kya kiYuda." Kangi alinkuti, "Ukufuma kabalilo ka Danieli ukubūka nkyēni, akabalilo kâko Danieli ikwĭsa, ikyēne kyanusyāga ukuti abēne bakaya kangi mma ni mboniboni pamo kangi mma ubusololi." Alinkuti, "Ifindu fyosa ifi umwisyugu ifi abene bikuyobapo, ukufwana ni mboniboni nu busololi, kyāli kyo kindu kyosa ikya mōhēsi," ukuti, "kukaliko ni kindu nakimo bo mboniboni kangi ubusololi."

Nkundwe, bālipa amadzeni ga basololi ukufuma pa Danieli. Kangi pala ālipo Yohani u Mōsi. Ālipo Yeso Kristi. Bālipa abasololi ukwisila mu Lwĭtikāno Ulupya. Syālĭpo imboniboni. Bālipa a Bāndūmi.

Bulebule nkisu abagĭle u nnyambala ikuyoba ikyo? Loli, umwe muketile, ikyo kyo nu kunyonywa ukwa kwiganagwimwene, ukugela ukugutila ikindukimo pamwanya pa bandu, ukupela ikyēne ikimanyisyo kya kipanga ikinini, pamo ikindu ikinini ikyaitolo, ukwisa ukuya kyanalolilo ku bāndu. Kangi linga abandu bakaya nayo u Mbepo Mwikemo, abene bisakusyobigwaga ni kyene.

¹⁰⁴ Lilino, unko uswe twēge iki u nnyāmbāla yumo āyobĭle. Lilino, likayapo i Lisimbo ukusisimikisya ikyo. Polelo une mbagĭle bulebule ukwēga ikyo? Ena, unko uswe tusyāgānie iki

naloliloli kyo kifungilo. Kētésya! Umwene ālisile ukubomba kila, ukufunga imboniboni nu busololi.

¹⁰⁵ Lilino, unko uswe itolo tusanukile kulakula ku Būku gwa Danieli, kūko uswe twāliko. Kula mwa Buku gwa Daniel, uswe tukusyaganiaga itolo iki Ilyene lyāyobile. Lilino unko uswe tusanukile kwa Danieli unto gwa 12. Lilino, bo uswe tukufika kwa Danieli 12, lilino, uswe tubagīle ukwānda. Kangi ukubala ukufuma . . . Akabalilo kāko umwe mukubūka kukāya, une ngulōnda umwe ukubala ukufuma ku linandi lya 1. Unko uswe itolo tubāle ukufuma mu linandi lya 1, ukusuluka ukubuka ku lya 4.

Kangi pa kabalilo kala Mikaelo isa kwīma . . . unsōka unkulumba uyu isa kwīma kuli abāna ba bāndu bāko: . . .

Lilino, aka ko ku kabalilo ka bumalikisyo.

. . . kangi pisakuyapo akabalilo ka butolwe, uluko ulu lukayamo siku ukufuma . . . i kikolo . . .

Ako ko kabalilo kāko u ndwananakristi, u ntogi gwa Fungilo Yakwānda uyu ikusōka pānja, akabalilo kāko umwēne ikwēga ubuyo.

. . . kope mpaka akabalilo aka: . . .

Komma nkabalilo kala ukuti akabalilo kako Titus ālyegile ifibumba fya Yerusalemu. Bula bwāli itolo buyo bumobwene. Kētésya akabalilo kāko u ndwananakristi, uyu nsoka uyu ayaga pakwīsa, kētésya akabalilo kāko umwēne ikwīsa.

. . . kope ku a kabalilo kalakala: kangi pa kabalilo kala abāndu bāko bisakuponesigwe, aligwesa uyu alyāgigwe asīmbigwe mwa būku.

Aleluya! “Abandu bako,” Israeli, “bisakuyangapo basimbigwe mwa buku.”

Kangi bingi ba abēne aba bisakugona ndufumbi lwa kīsu bisakusumuka, bamo ku būmi bwabwīlanabwīla, kangi bamo ku soni kangi ububoneligwe bwabwīlanabwīla.

¹⁰⁶ Bulebule nkisu kyabagile ikyo ukuya kabalilo kāko Titus ālyegile ifibumba fya Yerusalemu? Ikyene kyābagile ukuya bulebule? Ikyēne kikābagīle ukuya. Muketile, umwēne ikuyoba isya kabalilo ka bumalikisyo, ku busyuke. Ngimba uko kutalusya? Lilino:

Kangi abēne aba bikuyaga bāmahala bisakumulikaga nu bwēlu bwa kumwanya; kangi abēne aba bikusyūmbutuka panja . . . aba bikusanusya bingi ku bugolofu . . . i ndondwa kwa bwīla . . .

Pilikisya! Apa ikyēne kilipo, ubwanaloliloli, ubwanaloli ubufunge.

Lōli ugwe, O Danieli, kupilila amasyu, kangī fūnga i būku, kope ku kabalilo ka bumalikisyo: . . .

¹⁰⁷ Ngimba ikyene kyo fiki? O, aleluya! Ngimba umwe mukukikéta ikyene, kalasi? Ubusetuli ubu ubwa Yeso Kristi, kangī ubwa Maka Gake, ubwa Kwisa Kwake, ukwa kabalilo kabumalikisyo, bwafūngígwe mpaka akabalilo aka. Ikyo kyo iki Umwene ālisīle ukubomba. Ikyene kyo kifisigwe ukufuma ku ba sukulu; kisita kuswīga abēne bikulōnda ukubōmbela, “ukufūnga ikyēne mōsa,” kunyuma kula, ku “kisita basololi,” kangī kilikyōsa kubutali kunyuma. Ikyēne kitisakōla amisi. Lōli imboniboni, imboniboni iyi, yifūngígwe mpaka papapa apa lilino. Kangī apo po pāpo une ngubīka mbuyo u lwītiko lwāngu, ukuti Kyala isakusetulaga ifyēne imilungu malongo-mahano-na-mabili. Amenī! “Fūnga ikyēne mōsa,” Umwēne alinkuti, “mpaka akabalilo ka bumalikisyo. Igala a Masyu ni fūngīlo i Būku mpaka akabalilo ka bumalikisyo.”

¹⁰⁸ Ngimba Umwene aabombile fiki? Ukufūnga imboniboni nu busololi! Daniel aasolwile ifindu ifi. Umwēne ākibwēne ikyēne mu mboniboni, kangī u Gwāndūmi ikwisa pāsi ukufūnga i mboniboni, kangī ukufūnga u busololi. Abēne babagīle ukubala ikyēne, lōli bakabagīla ukupilikisya ikyēne, mpaka akabalilo ka bumalikisyo. Akabalilo ka bumalikisyo, ngimba ko fiki akabalilo kabumalikisyo? Kubumalikisyo bwa ndungu gwamalongo-mahano-na-mabili, akabalilo kāko yula u nsoka, ndwananakristi, isakusetuligwāga, ku kabalilo aka, ikwipela mwene Kyala. Ngimba uswe tukumanyaga bulebule uyu afūngilígwe ku kabalilo? Danieli itolo akīndilēmo; ugu go ntu gwabumalikisyo gwa Danieli.

¹⁰⁹ Kalumbu Simpson aalimbulile une pamusi apa, umwene aatile, “Nkundwe Branham, une mbalile ili Buku lyōsa ilya Danieli. Une—une itolo ngāmenye kangī mma akabalilo kāko une nālimīle, nāmalisīsyē, ukukīnda mūmo une nābōmbīle akabalilo kāko une nālyāndīle.” Apa ikyene kilipo, Kalumbu Simpson, linga ugwe uli apa ikilo iki. Une ngusubila une ngumbona umwene itugesye ukukilania kula. Une ngayobilēmo siku nakimo mu li gileta. Une ndinkyūnga ulutengano lwāngu, panongwa yakuti une ninogonaga lumo une ngufikaga ku kyēne.

Lōli, imboniboni iyi Danieli ākētīle, pāsi pala kifuki ku kisoko, yāfūngígwe, “mpaka akabalilo ka bumalikisyo.” Ikyene kyo . . . Ūnko une itolo ngindilīle nukubala ikyene apa. Muketile?

Lōli ugwe, O Danieli, kupilila amasyu, kangī fūnga ili būku, kope ku kabalilo ka bumalikisyo: bīngi bisakubopa uko na kula, kangī ubumanyi bwisa kubāla.

Kangī une Danieli ndinkukéta, kangī, kéta, pala palinkwima . . . babilī, . . . yumo ku lubafu lumo . . . ulwa kisōko, kangī yumo kulubafu ulungi ulwa kiloboko kya kisōko.

Kangi yumo alinkuyoba ku nnyambala uyu āfwéle mu—mu fyēlu, uyu āli pa misi ga kisōko, Kabalilo katali kaki ikyēne kikuyaga ku bumalikisyo bwa fiswīgo ifi?

Lilino pilikisya.

Kangi une nālimpilike unnyambala uyu āfwéle ifyēlu, uyu āli pa misi ga kisōko, akabalilo kako umwene akolile ikiboko kyake ikililo ni kiboko kyake kimama ku mwanya, nukulapa mwa mwene uyu mūmi kwa bwila kangi bwila ukuti ikyene kisakuyaga ku kabalilo, kabalilo, kangi sinda gwa kabalilo; . . .

Lilino, uswe tukufika itolo—katikati, “Kabalilo, kabalilo, kangi sinda gwa kabalilo.” Lilino umwe mukukētésya akabalilo kâko uswe tukufika mu milungu malongo-mahano-na-mabili gya Danieli, mūmo fikuti ikyo kikusōka pānja. Apo po pāpo ikyakubutitu kisakusetuligwāga. Umma ndaga. “Kabalilo, kabalilo, na sinda gwa kabalilo.”

. . .kangi akabalilo kako umwene isa . . . (“umwene,” pulonauni ya ubwenenakyo lilino, u ndwananakristi) . . .isa ukufwāni- . . .āfwānikīsye āfwānikīsye ukubalanisania amaka ga bāndu abīkemo, (apo po pāpo umwēne ikutumula u lwītīkāno lwāke pakati pa ndungu), ifindu fyōsa ifi fisa kuyaga fifwanikisīgwe. (Ameni.)

Kangi une ndinkupilika, loli une ngāpilikisye mma: polelo ndinkuti une, O . . .Ntwa, ngimba fiki fisa kuyaga bumalikisyo bwa findu ifi?

Kangi umwene alinkuti, Buka injila yako, Danieli: kabuno amasyu gīgaliligwe kangi gafūngigwe mpaka akabalilo ka . . . [Ikilundilo kikuyoba, “Bumalikisyo.”—Nsimbi]

O, komma ugwe ukwībwa ikyo!

. . .mpaka akabalilo ka bumalikisyo.

Bīngi bisakukemesigwa, nukupeligwa bēlu, nu kugeligwa; lōli ababībi bisakubōmba mbubībi: kangi nabamo ba babībi bisakupilikisya; lōli abamahala bisakupilikisya.

¹¹⁰ I Ndumi ya bumalikisyo yisakusetulaga ikyene; i ngulilo ya kipanga yabumalikisyo. Lwimiko! Whuu! Mwaketa lelo umwe! O, mwe! Ikyene kikunjugania une, ukwinogona isya ikyene, ikyakubutitu! Ifindu ifi ikisu kyapasi kikupulakupula amaso gabo, nukuyoba, “Ikyene kyo butoyofu.” Ikyakubutitu kya Ywani Yeso Kristi āli; komma u Mūndu gwākitatu, komma u Mūndu gwakibili, komma u Mūndu gwakitatu, lōli u Mūndu gwa Kyala. Ifyakubutītu fyōsa ifi ifya Kyala fisakusetuligwaga, panongwa yakuti ikyēne kisīmbigwe muno mwa Būku uyu, kangi liyege lyākusetuligwa ku ngulilo ya bumalikisyo. Abēne

bakabagila ukukibona ikyēne mu seminale, na masukulu, ni fipanga-fipāgūke, ukukinda abaYuda bābagile ukumbona Yeso ukuya Mesiya. Fyōbēne abene bikugela ukwinogona ugwe uli ni figīli. Fyōbēne abene bikwinogona ukuti ugwe gwe butoyofu. Fyōbēne abēne bakabagila ukupilikisya nongwa ya fiki ugwe utikukobela na bēne. Panongwa yakuti, galipo a Maka ni mboniboni kunyuma kwa ikyene, i Lisyu lya Kyala ili lisetuligwe, ukukyāga i Kipanga ndubātiko ku Bunyakiligo kangi ukubūka ku Kāya. Ena. “Bingi bisakubopa uko na kula, kangi ubumanyi bwisakubāla.” Naloliloli.

¹¹¹ Lilino, kyo kindu kiliku ikingi iki kisakumanyigwāga? Kēta umwisyūgu, ku fipānga. Apa ikyēne kili. Une ngusūbila ikyēne kitikufulasya, lōli une ngufimbilisigwa ukuyoba ikyēne. Ukupela. . .

¹¹² Mu lisiku lila kwisakuyapo u ndwananakristi ikufyuka.

¹¹³ Lilino, kumbukilaga, akabalilo kako uswe tukwisa mu Fūngilo, ukuti u ndwananakristi ikwitoga palapala panja pa Fūngilo sila. Danieli āyobīle isya ikyēne apa, “U nsōka uyu ikwisāga.” Umwēne isakutumuligwa mōsa, Yeso abagile, ukutēndēka isayanisanio ku bāndu. Lōli, “Yula u nsōka uyu abagile ukwīma, ikyo kyābagile ukupela ikyāmwikō iki kikipela ubusāme,” yula āli Roma, ukwisila mwa Titus. Kangi akabalilo aka, ikyēne yo nsōka ikusōka ukufuma ku Roma, isakubōmbāga ikyēne. Kangi umwene isakusetuligwaga mu lisiku lwabumalikisyo, lilino pilikisya, “ukwipela mwene Kyala,” bo mūmo Mbepo Mwikemo ikutusoka uswe mu Batesaloniki Gwakibili, ugwa 2.

Unko uswe itolo tubūke ku kyēne, Batesaloniki Gwakibili, kangi polelo ugwe utisakuyaga ni lisyu lyāngu lōli i Lisyu lya Kyala. Batesaloniki Gwakibili, untu gwa 2 kangi amanandi ga 12. Unko uswe tukēte. Batesaloniki Gwakibili, untu gwa 2 kangi ilinandi lya 12. Unko uswe tukēte. Unko uswe twānde pamwanya pa ikyo, ilinandi lya 7.

Namanga i kyāmbutūtu kya sām̄bi nalōli kitalile kikubōmba: . . .

(Uyu yo Pauli ikuyoba, ukwisila mwa Mbepo Mwikemo.) . . .

itolo—itolo umwēne yūyo lilino ikwitikisya isa kwitikisya, mpaka umwēne ayege asōsigwēpo pa njila.

Ywani yo “Umwene” apa? Ngimba alipo yumo uyu amenye? U Mbepo Mwikemo, “Umwene uyu ikwitikisya.”

Kangi polelo (bo) isa yula u Mbibi yula isa kusetuligwāga, . . .

Ndili? Itolo pa kabalilo u Mbepo Mwikemo ikusosigwāpo, iki yo ikwitēdekesya ukusōkāpo lululu lilino. Ngimba Umwēne ikusōkapo pa nongwa ya fiki? Ukwēga i Kipānga nu Mwēne. “Asetuligwe!” Pauli ikuyoba, pāsī pa bupūtigwe.

...yūyo u Ntwa isakundiága nu mbepo gwa ndomo gwāke, kangi isa kummōnanga nu bwēlu bwa kwīsa kwāke: (umbībi yula, ena)

Yōpe umwēne, yūyo ikwīsa kwāke ko ukufuma pa kubōmba kwa Sētāno na maka gōsa ni fimanyilo ni fiswīgo ifisyōbi,

“Uswe twe kipanga ikinywamu ukukinda fyosa. Uswe tulinakyo iki. Uswe tulinakyo iki. Mwesa ba umwe bungānaga palikimo,” muketile. “Uswe twe bakulumba ukukinda.” Ifiswīgo ifyabusyōbi!

Kangi na bosa...aba buniongafu mu bene aba bikupyutigwa; panongwa yakuti abēne bakālyāmbilile mma isya lugāno lwa bwānalōli, ukuti abēne babagile ukupokigwa.

Kangi panongwa ya nongwa iyi Kyāla abatumile abēne isyōbi syamaka, ukuti abēne babagile ukwītika ubutungulu babakigile ukwītika u butungulu:

Kangi ukuti abēne...babagile ukutāgigwa bābo bakālītike mu bwānalōli, lōli bāli nabo ubwīkyéle mu buniongafu.

¹¹⁴ Ngimba umwe mukukipilikisya icyene? O, mwe! Lilino, Pauli ikuyoba. Akabalilo kako i Fūngilo ya Kyala yikufumugwa, u Mbepo Gwake, i Ngamu Yake, ilipyana Yake, fyōsa ifi ifīngi ifyambutitu ifikulumba ifi fikukindilila nkyēni lilino, imbātiko isya Kipānga Kyāke ukubūka mu Bunyakiligo; ukōnelēla kwa Mbepo Mwikemo kubōmbile iki. Ikyo kyo iki Umwēne abōmbile mmasiku ga bumalikisyo.

¹¹⁵ Lilino, unko uswe tukēte. Ngimba uswe tuli na kabalilo kuli kyabumalikisyo kimo? [Ikilundilo kikuyoba, “Ameni.”—Nsimbi] Ikyantāndatu, “Ukōnelēla u Gwapamwanya ukukinda-bōsa.” O, mwe! Apa kilipo ikindu kimokyēne! Ikindu ikyābumalikisyo iki Umwēne ikubōmba, ko kubomba fiki? Lilino, unko uswe itolo tugomokele kula mwa Danieli, syāgania iki fyōsa Umwēne ikuyaga pakubōmba papapa apa. “Imilungu malongo-mahano-na-mabili gya milungu.” Ngimba fiki fibagile ukumālīsyā nkabalilo aka? Umma ndaga.

...gibīkigwe pa bāndu bāko kangi...akāya kāko akīkēmo, ukumālīsyā ingilanio (ingilanio sya bāndu), ...ukutēndēka ubumalikisyo bwa butulwanongwa (bwa bāndu), kangi ukutēndēka isayanisano panongwa ya bōnangi bwābo, kangi ukutwālamu u bugolofu ubusitakumalika (bwa abaYuda), kangi ukufūnga mōsa imboniboni nu busololi (mpaka akabalilo ka bumalikisyo), nukumpaka u Mwikēmo unkinde.

Ulo lo lubīngililo lwa kātāndātu-kōsa ulwa kwisa Kwake.

116 Lilino, “ukōneléla u Mwikémo unkīnde.” Lilino, iki kibagile ukuya panini kihesya ku miniti yimo itolo, ku bingi ba umwe bamanyisi, lōli lilino itolo kolelela ikyēne ku miniti yimo, itolo kēta mūmo ikyēne kikusōkēla panja.

117 Ubu bo bupakígwe, komma ubwa nnyāmbála. Yeso yo atalile apakígwe. Uko kutalusya? I Būku lya Imbombo lyāyobīle ukuti Kyala ālimpakīle Yeso nu Mbepo Mwikemo; Umwene alinkubuka ukusyungutila ukubomba ikinunu, kangi ukubumbulusya ababine, na fyosa. Yeso yo, atalile. Umwēne yo Mesiya. Kangi *Mesiya* kokuti “unpakígwe Yula.” Ngimba uko kutalusya? Lōli apa pa kabalilo ka bumalikisyo, Umwēne yo ikuyaga pakōneléla u Mwikémo unkīnde.

118 Kyo fiki “u Mwikemo unkīnde”? Ku njila yāngu iya kukētéla ikyēne, iki une ngusūbīla une mbagile ukusisimikisya ikyēne ukwisila mu Lisimbo, ko kupaka “u Mwikémo unkīnde,” iki kisakuyaga Nyumba iyi yisakubōmbelīgwa akabalilo ka Fyīnj’elifu. Lilino pilikisya, muketile nongwa ya fiki une ngukyēga ikyēne. Kilinganisígwe mwa Esekieli, untu gwa—gwa 4, i. . . Umma, une ngusanusya untu gwa 43, ilinandi lya 1 na lya 6. Unko uswe tugomokele kwa Esekieli nukusyāgania mumo umwene ikubonekesya mu Fyīnj’elifu, mumo abene bisakukonelela i. . . Esekieli 43, kangi unko uswe itolo tubále akayabo kanini apa lilino nukukéta iki Umwene ikubombaga mu Fyīnj’elifu uyu, ukonelela. Mwa Esekieli 43, fyosa filikanunu, kangi lilino unko uswe twande na lya 1, mpaka i linandi lya 6. Umwe mubagile ukubala ikindu kyosa ukufuma pāpo umwe mkufika ku kāya, ena, umwe mwe mukusimba pāsi, Ezeikieli 43. “Ukufuma . . .”

119 Lilino, kētésya, ubulīngānie bwa Tempeli ili likuyēngígwa mu Fyīnj’elifu. Lilino, aligwesa, umfunda aligwesa uyu amenye, ukuti ukufuma kwa Ezeikieli untu gwa 40, mpaka ukufwana nu ntu gwa 44, kyo nakimo nkīsu lōli i Tempeli ya Fyīnj’elifu yikuyēngigwa pa kīsu, (aligwesa amenye ikyo, muketile), akabalilo kako u lwimiko lwa Ntwa lwisusye iyene, na fyosa bo ifyo. Lilino uswe tuli. . . nguyaga itolo pakulīngānia i Tempeli mu ntu gwa 43, kangi i linandi lya 1 ku mpaka lya 6.

Ukufuma apa umwēne ālindwālīle une ku kipata, kyope ikipata iki kyākētāga kubwa ku busōkēlo:

Kangi, kēta, u lwīmiko lwa. . . Kyala ugwa Israeli lwālīsile ukufuma ku njila ya kubusōkēlo: kangi a masyu gāli bo galiti a masyu ga mīsi amīngi: kangi i kīsu kilinkulāngala nu lwīmiko.

Kangi ikyēne kyāli ukufwāna nu bubonekelo bwa mboniboni iyi une nāyibwēne, kope ukufwana ni mboniboni iyi une nayibwene akabalilo kāko une nisaga ukubongotola akaya: kangi i mboniboni yafwenemo ku

mboniboni iyi une nāyibwéne ni kisōko Sebara; kangi une ndinkugwa pa kisyo kyāngu.

Kangi u lwimiko lwa NTWA—u lwimiko lwa NTWA lulinkwisa mu nyumba kubwa ku njila ya kipata kikyō ubugūlilo bwāke buli kubwa ku busōkèlo.

Popāpo u mbepo alinkunyēga une mmwanya, nu kundwāla une nkati mu kyūmba kyankati; kangi, kēta, u lwimiko lwa NTWA lulinkwisusya i nyūmba.

Kangi une nālimpilike umwene ikuyoba kwa une ukufuma ku nyumba; kangi u nnyambala ālimile kifuki na une.

¹²⁰ Ukōnelèla, ukōnelèla i Tempeli yila ku bulagili bwa Fyinj'elifu. Lilino kētèsya mu Banyalevi. Lilino kētèsya mūmo iyēne yāsayingwile mu Banyalevi. Lilino, linga uswe tukugomokela kwa Banyalevi, uswe tukusyagania ukuti Mōse āpakile i tempeli. Unko uswe itolo tugomokele akabalilo kako uswe tuli pa kyene. Uswe tuli nakabalilo kingi kala. Kangi unko uswe tugomokele kwa Banyalevi nukusyāgānia akabalilo kāko Mōse āpakile i tempeli, pa Banyalevi untu gwa 8.

¹²¹ O, une itolo nkiganile ukukifwanikisya a Masimbo aga ku Masimbo. Ngimba umwe mukakigana ikyene? Kangi polelo ugwe—ugwe itolo ulinalyo i—i fundo ya iki—iya iki uswe tukulōndésya kangi iki uswe tukubōmba. Lilino, aligwesa gwa umwe yo ikusyāgānia itolo ukuti uswe tukubombela i Lisimbo apa kangi apo, pa kyene.

¹²² Lilino, untu gwa 8 gwa Banyalevi, kangi une ng'walile pāsi apa, ilinandi lya 10. Kētèsya Banyalevi 8:10. Unko uswe tukēte.

Kangi Mōse ālyēgile inyēmba ya kōnelela, nukōnelela inyēmba ya kōnelela, nu kupaka i nyūmba kangi fyōsa ifi fyāli nkati mula, nu kufikemesya ifyēne.

Kangi. . . ānyāfile pala pamwanya pa kigemo kahano-na-kabili, . . . ānyāfile i kigemo na fyōsa i fyōmbo, fyosa-fibili i sahani ni kilūndi kyāke, ku i. . . ukukēmēsya ifyēne.

Kangi umwēne alinkōna. . . inyēmba yakōnelèla pa ntu gwa Aroni, nukummōnelela umwēne, ukunkēmēsya umwēne.

¹²³ Mōse, ndulangalanga, ukukēmēsya, pamo ukupaka i nyumba ya bwīpūti, kuli a bāna ba Israeli akabalilo kako abene baali mu njila yabo. Iyene kyapakigwe.

¹²⁴ Lilino, mu Kukumbusya-ndagilo Gwākibili, sanukila kula, kangi uswe twisakukeeta u lwipāguli ukuti akabalilo kāko u Mbepo Mwikemo ālyēgile ikikota Kyāke ku kipanga, kangi kētèsya iki kyābonike pa buyo lilino. Mu Kukumbusya-ndagilo Gwakibili untu gwa 5, kangi unko uswe twānde pa linandi lya

13. Kukumbusya-ndagilo Gwākibili untu gwa 5, kangi anda pa linandi lya 13.

Kangi ukwene kulinkwisa...uku yako, bo i ngangabwite kangi a bĩmbi bāli...ukupela akōgo kamokene ukupilikĩgwa... u lupālo kangi ukupa ukupālisya kwa Ntwa; kangi akabalilo kāko abēne bafyūsisiye amasyu gābo ni ngangabwite kangi a mapāngo kangi ifyōmbo fya bwĩmbilo, kangi bikuntūfya u Ntwa, kangi bikwĩmba, Kabuno umwēne yo nnuu; kangi ifisa fyāke fikukĩndilila kwa bwilanabwila: ukuti lelo inyumba yilinkwisula ni libingu, yope ni nyumba ya Ntwa;

Popāpo ukuti abapūti bālimile... abapūti bakābagile ukwĩma ukubōmbela ku nongwa ya libingu: kabuno u lwimiko lwa Ntwa lwalwiswisiye i nyumba ya Kyala.

¹²⁵ Kyala ālisile mbukemesigwe iyi yayaga pakōneleligwa, kangi yapēgigwe kula ku Mwēne ukuti abāndu bisege ukwĩputa. Popāpo, ukōnelēla, komma “ubwāko ubwikēmo” ubuyo, lōli ukōnelēla “u Bwikemo ubukĩnde” u buyo. Kangi uswe tukukētēsya, ukuti, Yerusalemu Umpya yo “Bwikemo ubukĩnde” u buyo. Kangi u bupake bwisakuyaga pa Yerusalemu Umpya uyu asulwike ukufuma kwa Kyala ukufuma ku Mwanya, atēndekesigwe bo yo nsingiligwa amogesigwe kuli undume gwāke. U kōnelēla kwisakuyaga pa bēne.

¹²⁶ Lilino, akabalilo kāko Serubabelo āsayiligwe i tempeli yāke, ukufuma pāpo iyēne yāyēngigwe kangi, iyēne yakalyōneleligwe kangi mma, panongwa yakuti iyēne yatalile yālyōneleligwe; kangi yābongotoligwe pāsi, kangi iyēne yāli itolo yilagililigwe kangi. Ukubongotola kūko kwālisile ku yēne. Iyēne yilagililigwe kangi nukwimikĩgwa mmwanya, popāpo kukālipo ukōnelela kwa iyene kulikosa. Akabalilo kāko iyēne akabalilo kamo yalyōneleligwe, kila kyākĩndilile nkyēni mula, kangi ukwēne kukukĩndilila mpaka akabalilo kakaka aka. Loli akabalilo kako Kyala ikubika lōsa Nyumba ya Fyinj’elifu, Umwene isakupaka u Mwikemo unkĩnde; komma “u mwikemo gwāko,” lōli “u Mwikemo unkĩnde.”

¹²⁷ Loli akabalilo kako u Mwalafyale ikwega i Kikota Kyake ku fyinja elifu yumoywene, (Lwimiko!) umwene amalike lilino. U kōnelēla kwa Mwikemo unkĩnde kwisakuyaga kindu kyabumalikisyo ukuboneka. Akabalilo kāko i Kipanga kikuyēngigwe; ubusyūke bwīsile; abaYuda bagomokile; Kristi nu Nsingiligwa Gwāke isile; u n’Juda, maelifu mia-yumo-namalongo-mana-na-bana bafūngiligwe; u Fyinj’elifu abonike pa buyo. Pisakuyapo ukōnelēla akabalilo kāko u buyo u Bwikemo ubukĩnde bwisakōneleligwa; u bwikemo, Bwikemo-bukĩnde bwa bwikemo-bukĩnde, kangi i Bwikemo bukĩnde. Akabalilo kāko, u buyo u Bwikemo bukĩnde bo bukemesyo kūko Kyala

itūgalàga, pakati pa baKerubi. Kangi, akabalilo aka, Kristi isakwitūgasyāga mbuyo bwa Bwikemo ukukīnda, nu kupakīgwa pa Mwēne. Kangi abēne batisakufūmbwa ni lisuba mma kula, kabuno u Kang'osi pakati pa Kāya isakuyaga Lumuli. I lisuba litisakwingilamo siku nkati Kāya kala, bo mūmo ugwaiyolo Mwipwa Jim ālisibile ukuyoba. Kangi ukwēne kutisakuyamo siku, panongwa yakuti Kristi isakuyaga Bwēlu bula, umpakīgwe Yula. Kangi u Mwalafyale isakwisaga nukwega i Kikota Kyake ku fyinja elifu yumokyene, ukulagila.

¹²⁸ Yeremiah 3:12-18, ukongelela gosa, unko uswe tubāle ilyene. Kula mwa Yeremiya untu gwa 18, une ngwitika. Ena. Umma, untu gwa 12, nswaga une, untu gwa 12 gwa Yeremiya, kangi unko uswe twande na—na. . . Yeremiya 3, nswaga une. Yeremiah 3, une nsī—nsīm̄bile pāsi apa, kūko, bo ngufūnda, u Mbepo Mwikemo ikwendendeka ukufuma ku buyo ukubūka ku buyo, une itolo ndikusimba ifi pāsi ku bununu une nābagile. Yeremiah 3, kangi polelo 12 mpaka 18, ukongelela gosa. Unko uswe tubale ilyene.

Būka nukufumusya amasyu aga kubwa kulūlu, nukuyoba, Gomokela, ugwe ugomokile-nyuma Israeli, ikuti u NTWA; kangi Une ndisakupela ubwāngu—ubwāngu. . . ukupela ubukalalisi bwāngu ukugwa pa ugwe: kabuno une ne gwākisa, ikuti u NTWA, kangi Une ndisakukyūnga ubukalalisi bwila na bwila.

Pene pāpo kwitikisya i sām̄bi syāko, ukuti ugwe ukilēnie ukulwana na NTWA Kyala gwāko, kangi ubalēnie injila syāko ku bahesya pasi pa mpiki guligōsa unteketete, . . .

Ikyo kyo iki abene bābombile, ukufuma kubusókelolisuba, kubwingilil'isuba, ikisu kilikyosa. Muketile?

. . .kangi ugwe ukapilikila a masyu, a masyu gangu, ikuti u NTWA.

“Syumbutuka!” Pilikisya ku iki.

Syumbutuka, O bagomokela-nyuma bāna, ikuti u NTWA; kabuno une (n-e-g-i- -w-e). . .Une negigwe kwa ugwe: . . .

“Amaso gabo gākupiligwe, panongwa yakuti Une mbapele a Bapanja ulusako. Loli, ugwe gomokela, kabuno Une nemwegi kwa umwe.”

. . .kangi une ngwegaga ugwe yumo mwa kāya, kangi babili ba kikolo, . . .

Komma bōsa aba bikwīkōléla bēne baYuda bisakubūkága nkati. Lōli kala akabugutila akasaligwe kisakwīngila mula, kala akanini aka Benjamini aka kisilepo ukusuluka pala pankyeni pa Yosefu, ikibugutila kila ukufuma panja pa kikolo kilikyosa, kimo ukufuma panja pa kaya, kangi panja pa kikolo.

. . .kangi une ngubatwalaga umwe ku Siyoni:

Kangi une ngukupaga ugwe untimi yumo ukufwana ni ndumbula yako, uyu isakukuswilaga ugwe nu bumanyi nu kupilikisya.

Kangi ukwēne kwisakuyaga, akabalilo kāko ugwe kwisakubāлага kangī gwe mwingipo nkīsu, mmasiku gala, ikuti u NTWA, abēne bisakuyobaga kangī mma, I—i ngalaba ya lwītikano ya NTWA: kangī'mma kisa ikyēne ukwīsa ku līnogōno: kangī'mma bisa abēne ukukūmbukīla ikyēne; kangī'mma bisa abēne—abēne ukukayātīla akēne; kangī'mma kisa ikyēne ukubōmbigwa kangī mma.

Pa kabalilo kala abēne bisakukōlēla Yerusalemu i kikota kya NTWA; (bo Umwēne isakuyāga pala, muketile), kangī ikisu kyosa kisa kubūngāna (aleluya) ku kyene, kangī i ngamu ya NTWA, ku Yerusalemu: kangī'mma bisa abēne ukwēnda kangī mma ukukōnga inyinogonelo syābo bēne mbu bībi bwa ndumbula syābo.

¹²⁹ Apo po pāpo a Kāya kala kisakuya kapakīgwe. Ako ko kabalilo kāko u Yerusalemu Umpya isakuyaga mpakīgwe. Kangī ifikolo fyosa ifya Kaya... Kula mu Busetuli untu gwa 22, ikyēne kyāyobīle ifipata fitisakwīgala nkilo, panongwa yakuti patisakuyapo siku ikilo kula. Kangī bōsa abanyafyāle ba kīsu bisakutwāla ulugīndīko lwābo nu lwīmīko nkati n'Kāya aka. Ifyāke ifibumba fikuyaga yaspala nībwe lya saradisi, uluko kalongo na mabili aga mabwe; kangī ifipata kalongo na fibili fisakuyaga yumo unkafo lwāambo-ulupala, kimokyene ikipata kilikyōsa. Patisakuyapo ukufūmbwa nakumo ukwa nyāle nkati mula. Kutisakuyako kangī mma ulumuli lwa lisuba, kabuno u Kang'osi uyu yo ali pakati pa Kāya kala isakuyaga Lumuli lula. Kangī Umwēne isakulongolelāga abāndu Bāke mu Būmi ubusitakumalika. Gisakuyaga mipiki mibili gimile, gumo pa lubafu lulilōsa ulwa kisōko, kangī ifyēne panongwa ya bubumbuluso bwa kisu. Uyo yo yula umpakīgwe Yula uyu isa kwīsa, a Kāya Akīkēmo kakusuluka ukufuma kwa Kyala ukufuma ku Mwānya, kakwīsa ku kīsu.

¹³⁰ Unko uswe twēge lilino iki kisakubonekaga pa buyo akabalilo kala. O, ngimba ugwe kukigana ikyene? Unko uswe tusanukīle kwa Yesaya 65, itolo i miniti. Itolo kinunu fiyo ukukikilania. Ikyēne kyo itolo kinunu fiyo ukukileka. Kubagile ukuya panini kupīle fiyo panini, lōli unko uswe itolo tumilisyēge ukwēnda.

¹³¹ Yesaya 65, pilikisya iki kikubonekaga pa buyo akabalilo kala. Kangī itolo ilalusya gwimwene, ntulwanongwa mwinangu, linga ugwe—linga ugwe gwābagīle ubagīle ukupondwa iki. Yesaya 65, unko uswe twānde nalyo kifuki ilinandi lya 17. Pilikisya, aligwesa, kifuki lilino. Aka ko kabalilo ka Fyinj'elifu, akabalilo kāko u Mwikēmo unkinde ikupakīgwa.

Kabuno, kēta, Une nisakupela imyānya imipya kangi... ikīsu ikipya: kangi ikyapabutasi kitisa kukumbukigwaga, kangi'mma ukwisa mu līnogōno.

Lōli yaga... nsangaluke kangi sangalukaga... mōpe mu kila iki Une ngupela: namanga, kēta, une ngupela Yerusalemu... Une ngupela Yerusalemu, (uyo yo Yerusalemu Umpya), u kusāngaluka, kangi abāndu bāke u busāngaluke.

Ngimba u bupake bo fiki? Ubuhobofu bwa Ntwa.

...ukupela Yerusalemu ukuya buhobofu, kangi abāndu bāke ukuya buhobofu. Kangi une nisakusangaluka mu Yerusalemu, ...

U Mwalafyale mu Kikota, pa lwīmiko lwa Kikota, i Kikota Kyāsyēpwa, kangi abāndu Bāsyēpwa nu busānguluke u Bwāsyēpwa n'Kāya Kāsyēpwa! O, mwe!

Kangi une nisakusangaluka mu Yerusalemu, kangi ubuhobofu mu bāndu bāngu: kangi a masyu ga ngūto gatisa kangi mma ukupilikigwa mu mwēne, kangi'mma amasyu ga kulila.

Kula kutisakuyako kangi mma kula... ugwammaboko gwa masiku, pamo u nnyāmbāla unkāngāle uyu aka-fwānikisya amasiku gāke: kabuno u mwānike isakufwaga ifyīnja mia yumo mbukusi; lōli untulwanongwa ukuya i fyīnja mia yumo mbukusi isa kuyaga ngunigwe.

Kangi abēne bisakuyenga i nyumba, kangi bisakwitūlaga mu syēne;... abēne bisakubyala imigunda gya mpesa, kangi abēne bisa kulya ikipaso kya gyēne.

Abēne batisakuyēnga, kangi uyūngi ukwītugalamo; (uyo yo, ugwe kufwa kangi u mwanundumiana gwāko ega ubuyo bwāko) ... ukuyēnga, kangi uyūngi yumo ukwītūgalāmo; abēne bisakubyāla, kangi uyūngi ukulya ukufuma mula: kabuno bo ga masiku ga mpiki gumo gisa amasiku ga bāndu bāngu, kangi abasaligwa bāngu ubutali bisa abēne ukwikyēla i mbombo sya maboko gābo.

Abēne batisakusukulika paitolo mma, kangi'mma ukupāpa pānja ku butolwe; kabūno abēne bo luyūngu lwa basayigwa ba NTWA, kangi imbāpo syābo na bēne.

Kangi ikyēne kisakwisa ukuboneka, ... bo abēne bakāli bakakōlelā, une nisakwāmula; ... (Ukupakigwa kwalwīmiko kula, kunyuma kwa Kerubi!) ... Une nisakwamulaga; kangi bo abene bakāli bikuyoba, une nisa kupilika.

U kāmbe na kang’osi fisakulīla palikimo, . . . i ngalamu yisakulya i līsu yiliti bo ngambako: u mfu gwisakuyaga kyākulya kya liyoka. Kangi abēne batisakufulasya pamo ukōnānga mu kyāmba kyāngu kyōsa, ikuti u NTWA. (Ngimba umwe mubagīle ukupondwa ikyēne? Umma!)

¹³² Yugānia palapala kunyuma apa kangi, kangi Yesaya ikuyoba kangi, ku ntu gwa 11, ilinandi ga 1 ukubuka ku lya 9. Pilikisya iki umwēne ikuyoba apa kāngi, akabalilo kāko umwēne ikukola imboniboni, ukufuma papo umwene ikuketa abakikulu, injila iyi abene bisakubombelaga mmasiku ga bumalikisyo. Ni- . . . Ena, Yesaya 11, ku 1.

Kangi pala pisakwisa panja ingili ukufuma ku kikōngōti kya Jesse, . . . u Lusamba ulu lwisakukula ukufuma ku misisi gyake: (Ywani āli yula? Kristi.) . . . ukufuma ku misisi gwaake:

Kangi u mbepo gwa NTWA isakutūsyā pa mwēne, u mbepo gwa mahala, ugwa bupilikisyo, u mbepo gwa lufūndo . . . ugwamaka, u mbepo gwa bumanyi kangi. . . ulutende lwa NTWA;

Kangi isakumpela umwēne ukuya gwa bupilikisyo ubwēngo mu butīle bwa NTWA: kangi umwēne atisakulōnganāga nu bukētelo bwa fisige fyāke, kangi mma . . . ukufuma ku kupilika kwa mbulukutu syāke:

Lōli nu bugolofu isa umwēne ukulōnga abalōndo, kangi ukukemela isāmbi syābo kuli abōlōlo ba kīsu: kangi umwēne isakutika i kīsu ni ngili ya kanwa kāke, kangi nu mūyi gwa milomo gyāke isa umwēne ukugoga ababībi.

Abagolofu bisa kufwīkigwāga ifya mu nsana, kangi abasūbilīgwa ukufwāla ifya fyakulōngolēla fyābo.

Kangi u kambwe yope isakwitugala na kang’osi, kangi i libōle lisakulāmbalalaga pasi na kabene (ako ko mbene); kangi ingwāta ni ngalamu ingeke kangi indupano . . . pamo ingwāta, pamo i ngalamu kangi ingambako indupano; kangi u mwana unnini isakulongosyaga isyēne.

. . . i ng’ombe kangi i kindīngo yisakuswīlāga; . . . abanini bābo (kangi) fisakulāmbalalaga paasi palikimo: kangi ingalamu yisakulyāga ilīsu bo ngambako.

Kangi u mwāna ugwakōnga isakukinaga pa kibwīna kya njoka, kangi u mwāna undeka-mabele isakubika ikiboko kyāke mu mbako ya kitūmbi.

Ifyēne fitisa kufulasya pamo ukōnānga mōsa mu fyāmba fyāngu ifikemo: kabuno i kīsu kisakuyaga

kīswīle nu bumanyi . . . bo mūmo a mīsi gikukupilila i nyānja.

Hum! Ikyo kyo mu Yerusalemu Umpya. Uyo “umpya” yula. *Lusamba*, apa, yikugomokesya, ulwa *Lusamba lwa Davidi*. “Umwene yo fyosa-fibili *Lusamba* kangi *Kimela*.”

¹³³ Lilino, ukufuma iki, u Nsīngiligwa ikuboneka. Ukufuma pa milungu malongo-mahano-na-mabili, u Nsīngiligwa ikubonekela mu Busetuli untu gwa 19, amanandi ga 1 na ga 16. Umwene ikufika nu Nnyambala Gwake, u Mwalafyale gwamaka. O, mwe! Une ngamanya kali uswe tukuyaga pakukyega ikyene kyosa pamo mma. Itolo nkyagile ikyene polelo . . .

Ena, unko uswe itolo tubale ikiyabo kya iki, mulimosa. Apo po pāpo u Nsīngiligwa isakwisa, ukufuma ku iki. Muketile? Ukufuma pāpo Fyinj’elifu ikwitugasyamo, polelo Kristi ikugomokela nu Nsīngiligwa. Kutalusya, 1 ukubuka 16, kangi untu gwa 19.

Kangi ukufuma pa findu ifi . . .

Ukufuma pa Mpyuto uyu; ukufuma pa Soka; ukufuma pa Fūngilo; ukufuma pa Fiswigo; ukufuma pa kunsōsya panja Setano; ukufuma pa kwikasya mōsa kwa Fyinj’elifu. Kētēsya!

. . . ukufuma pa findu ifi une ndinkupilika i . . . lisyu lya bandu bingi kumwanya, lilinkuti, Aleluya; Ubupoki, nu lwīmiko, . . . uluyīndiko, . . . maka, kwa Ntwa Kyala gwītu:

Kabuno bwanaloli kangī bugolofu bo bulongi bwāko: kabuno umwene alongile u ndongwe unkulumba, uyu naloli ānyasyaga i kīsu nu bulogwe bwāke, kangī abombīle agomokisye pa lilopa lya babombi bāke pa kiboko kyānkikulu.

Kangi kabubili umwēne . . . abēne . . . Kangi kabubili abēne balinkuyoba, Aleluya. Kangi ilyōsi lyāke lilinkufyūka mmwanya kwa bwila na bwila.

Uyo yo kipānga kya ndogwe ikyaiyolo, “ilyōsi lyāke lilinkufyūka mmwanya.”

Kangi a bakulumba bana na malongo mabili ni finyamana fina filinkugwa paasi nukummwiiputa Kyala uyu ālitūgile pa kikota, ikuyoba, Ameni; Haleluya.

Kangi i lisyu lilinkwisa ukufuma ku kikota, lilinkuti, Ntufye Kyala gwītu – Ntufye Kyala gwītu, fyosa ifi umwe babombi bāke, kangī umwe mwe mukuntula umwene, bosa banini kangī bakulumba.

Kangi une ndikupilika kiliti ikyēne kyāli a masyu ga kilūndilo ikikulumba, . . .

Pilikisya! Apa umwe mulipo, Kipanga. Ukufuma pāpo Umwēne ābūkile mmwanya mu ntu gwa 3, apa Umwēne ikwisa. Muketile? Kangi lilino ilinandi lya 6.

Kangi une nāpilike kiliti bo ikyēne kyāli masyu ga kilūndilo ikikulumba, kangi bo ga masyu ga misi mīngi, kangi ukuya bo masyu ga ukulūnduma ukwāmaka, gikuyoba, Aleluya: kabuno Ntwa Kyala mwenemaka ikulagila.

Aleluya! Ketesya! Ubwegi bwa Kang’osi bukwise lilino. Apa Umwēne ikwisa.

Unko uswe tuyege bahobofu nukusangaluka, kangi tupe ulugiindiko ku mweene: kabuno u bwegi bwa Kang’osi bwisile, kangi unkasi gwake abōmbile ipelile mwene ukuya itendekisye. (Apa Umwene ikwisa, bosa-babili, u Nsingiligwa nu Nnyambala.)

Kangi ku mwēne kwāpēgigwe ukuti umwēne ābagile ukuya afwīkigwe imyēnda imutenefu, imīfyūsi kangi imyēlu: kabuno i myēnda imitenenefu gyo . . . ubugolofu bwa bīkēmo.

Kangi umwene alinkuyoba kwa une, Simba, Basayigwa bo bene aba bikukōleligwa ku lusekelo lwa bwēgi bwa Kang’osi. Kangi umwene alinkuyoba kwa une, Ifi fyo . . . fyakuyoba ifyabwanalōl ifya Kyala.

Kangi une ndinkugwila pasi pa malundi ukumpala ukummwiputa umwene. Kangi umwene alinkuyoba kwa une, Ukete ugwe utikubomba ikylene mma: Une ne gwa bāko ababōmbi-bīnitu, . . . abakūndwe bāko kangi ukuya ni . . . kangi ukuya nu bukēti bwa Yeso: mmwiputa Kyala: ku bukēti (bwa Kristi) ugwa Yeso yo mbepo gwa busololi.

Kangi une ndinkukubona kumwanya kwigwīke, kangi . . . i falasi inyelu; . . . (o mwe!) . . . kangi umwene uyu ālitugēsye pala . . . ākoleligwāga Nsubiligwa kangi Gwābwanalōli, kangi . . . ubugolofu ikubōmba umwēne ukulōnga nukutēndēka ubwīte.

Kangi ifisige fyāke fyāli filiti bo ndapi sya mōto, kangi . . . untu gwāke gwāli ngiga nyīngi; . . .

Umwene afwikigwe fiki? “Mwalafyale gwa banyafyale.”

. . . kangi umwene aali ni ngamu yisimbigwe, iyi nayumo umundu amenye, loli . . . mwene.

Kangi umwēne āfwēle ni myēnda imyēlu guyūbikigwe mu lilopa: kangi ingamu yāke yikubilikigwa I Lisyu lya Kyala.

“Ku bwandilo lyaliko i Lisyu, kangi i Lisyu lyāli Kyala. Kangi i Lisyu lyapeliigwe ukuya mbili nukwitugasya pakati pitu.” Ngimba Ywani Ikyene kyāli? Yeso.

. . .kangi ingamu yake yikukoleligwa Lisyu lya Kyala.

Kangi ababwite aba báli kumwanya balinkunkongesya umwene pa falasi inyelu, afwíkigwe mmyēnda imitenenefu, myēlu kangi gyēluke. (Lwīmiko! Apa Umwēne ikwīsa.)

Kangi ukufuma nkanwa káke pala pikusōka pānja u lūbo ulupyāsye, ulu. . .kangi kila icyēne kibagile ukutika i kīsu: kangi. . .isakulagilaga abēne ni ngili ya kisulo, kangi umwēne akanyangile ikikama-bwālwa kya bugāsi bwa bukalale bwa Kyāla Mwenemako.

Kangi umwene ali pa nselekesye gwake kangi pa ngamu yake iyakusimbigwa, MWALAFYALE GWA MWALAFYALE, KANGI NTWA GWA NTWA.

¹³⁴ Ngimba icyene kyo fiki? Abandu bake bāfumile pakumfwika itolo Umwene Mwalafyale gwa mwalafyale, kangi Ntwa gwa batwa. Ukugomokela ku Tempeli Lyake ilíkemo, apakígwe nu Kuyapo kwa Kyala, ukuya nu bumi nu bulagili ukwisila nu Fyinj’elifu ni Kipanga Kyake. Ameni! Ukuboneka, ne Mwalafyāle mwenemaka, ukwēga ubuyo Bwāke ku lubafu Lwāke, imbya iyabunyafyāle imbakígwe i Tempeli.

¹³⁵ Lilino ifundo ya katāndātu-kōsa iya Busetuli 6:1 ukufika Busetuli 19:21 ikusisimikisígwe.

¹³⁶ Pilikisya lilino, bo tukwigala. I Fungilo Sihano-na-sibili, i Ngangabwite Sihano-na-sibili, i Sahani Sihano-na-sibili, i Soka Itatu, unzikulu mu lisuba, ukutāgila pānja kwa mōhēsī, pamo i nyifwila ingesefu, kwisa pakati pa tubalilo utu akabalilo ka kabalilo ka Butolwe ubukulumba. Komma ukwiibwa ikyeene. Ifindu fyosa ifi fikuboneka akabalilo aka.

Loli apa po yilipo i fundo ya katāndātu-kōsa iya Kwisa Kwake. Ngimba ugwe kwitika icyene? Ko kabalilo kalwīmiko kaki kalāmbalēle mu ndāmba kuli bala bābo bikungana u Ntwa! Une ngukubula ugwe, mwinangu, uswe tukabagila ukupōndwa ikyo. Komma ukupondwa kila, kabuno ku kilikyosa iki ugwe kubomba. Yaga nsisimikisyi!

¹³⁷ Lilino, Pandungu ugu gukwisa, linga u Ntwa ikwiganaga, Une ngulōnda ukutwāla nkyēni, linga Umwēne isakundula une, ukunāngisya itolo katikati kūko yumo mwa masiku mahano-na-mabili gala, kūko abēne bālyēgile ubuyo, ukutwala iki kilakila—kilakila iki une mbobile umwisyugu, nukutubika tula utubalilo tuhano na tubili, imilūngu mihano na mibili, malongo mabili na limo ga milungu mulamula m’buyo bwa kila mbwīkēmo bwa kiJuda, nukunāngisya itolo katikati kūko uswe tukwītūgalámo kuno kubumalikisyo, u Ntwa itikisyege.

¹³⁸ Ngimba ugwe unganile Umwene? [Ikilundilo kikuyoba, “Ameni.”—Nsimbi] Ngimba ugwe ubagile ukupōnda Kumwanya? [“Umma.”] Uswe tuli nkabalilo ka bumalikisyo!

Ngimba Umwene ikwisilaga ukubomba fiki? Ikindu kyakwanda isakwegaga ubuyo, pankyeni pa Yeso ikwisamo ku kisu, ngimba i kindu kyākwānda kyo fiki? I Kipanga kisakuyaga (fiki?) kinyakiligwe! Ngimba Yeso isile ku kisu nukwenda ukusyungutila ku lipumba, kangu ukuponania amaboko na bāba na māma, yoba kwa uswe twesa apa, nukubūka mmwanya? Umma!

Ikyene kikuyaga bulebule? I...Uswe tukuyoba iki kwa umwe, ukwisila mu—mu Lisyu lya Ntwa, “Ukutu uswe twe tuli būmi kangu tusyēle...” Batesaloniki Gwakibili, untu gwa 5, “Uswe twe tuli bumi kangu tusyēle ku Kwisa kwa Ntwa, tutisakukolelapāsi pamo ukubapīnga bala aba bagonile utulo. Kabuno i ngangabwite ya Kyala yisakukubaga; abafwe mwa Kristi bisakusyuka tasi: kangu uswe twe tuli būmi kangu tusyēle twisakunyakiligwa palikimo na bēne ukwākwāgāna nu Ntwa mmwanya mu mbepo.” Uswe twisakunyakiligwa mmwanya nkabalilo, mu kukupisya kya kisige. Nkabalilo kala, ikyo kikumalika i Ngulilo ya Kipanga.

¹³⁹ Polelo, pāsi apa pa kīsu Kyala ikwanda ukubōmba na baYuda. Bisakuyapo abasololi babili. Untu gwa 11, uswe twisakusala ikyo. Abasololi babili abapakigwe, bo yu Eliya na Mōse, uyu une ngwinogona ikyene kili. Kangu abēne bisakutwāla ifigune ifikulumba, ukufūma pāpo abēne babūnganisigwe, kangu Roma ābongotwile ulwītikāno lwāke, uyu u nsōka.

Pakatikati pa ndungu gwamalongo-mahano-na-mabili ugu, ugwēne gwisakutumula ulwītikāno lwāke na Roma, pamo Roma isakutumula ikyēne na Israeli, kangu ikyo kisakupela ikyāmwiko kyālyāndīle ukupagulania. Kangu kwisakuyako u mōgēsyo unkulumba, akabalilo kāko abasyāle ba Bāpānja, umfūnde ungonatulo... I nyīfwila, Roma, alinkufunya panja amīsi ukufuma nkanwa kāke, ukutēndēka ubwīte na basyāle aba mbeyu ya nkīkūlu aba bikukyūnga ingomelesyo sya Kyala. Roma ikubombaga ikyo.

¹⁴⁰ Ububungānio ubwa kipānga bwisakubabīka abēne palikimo, nukutwāla abaYuda mu bubūngānio ubu, nukubatwala abene ukugomokela ku bwīputi bwa tempeli bwābo bene ukwiputa kangu, mu ISI SYO IKUTI U NTWA ukufuma ku i Bāngeli, kangu abene bisakuya ni kipanga kyabo bene.

¹⁴¹ Abēne bo fiki lilino? Une itolo nkikolīle ikyēne lilino itolo. Ikyēne kyo kipupwāno. Abēne bo lilino kīsu, kītikišigwe. Ngimba uko kutalusya? Loli abene bakaya nu kwīpūta kwa tempeli kwabo tāsī mma. Kangu akabalilo abēne bābātike u bwīpūti bwa tempeli, i Kipanga kisa kuya kikīndīle. Kyāla isakubōmbelāga na baYuda ukuya kikolo. Kangu polelo akabalilo kāko abēne bikutwālīgwa mu bubūngānie ubu, Roma isakukibongotolaga ikyene pakatikati pa kyinja kyamalongo-

mahano-na-mabili, ifyĩnja fitatu na sinda, umwēne isakutumula ulwĩtikáno lúla na bēne, nukupela ikyamwĩko iki kikupela ubusāme ukusātila ku bupyũto. Polelo umwēne isakwēgága bōsa-babili aba kiProtestanti, na baYuda, nukubafwĩma abēne. Nkabalilo kala, abasololi babili aba bisakwima nukuguna ikisu, ukuti umwene atisakugwaga ifula mmasiku ga busololi bwabo. Kangi abēne bisakukóléla Moto ukufuma ku Mwanya, na kilikyōsa ickingi. Umwe itolo gūlila. Uswe tuli nafyo fĩngi filāmbalele apa, fikyūngigwe kuli uswe, ukumanyila.

¹⁴² O, yo Kyala nkulumba muki Umwene ali! Yo u Tāta gwākisa muki! Binangu, unko une njobe iki, ukuya ntimi gwĩnu. Umwe mutikusyāgania isako isi umwe mukwĩtugalamo. Umwe mutikusyāgania. Balipo abanyāmbala abakulumba, balipo abĩkemo bingi, balipo amaelifu ga banyāmbala abĩkemo aba bāfwile mfyĩnja ifi fikĩndilepo, abanyāmbala abĩsusigwana-Mbepo bābo āngali bīganile ukuti bākētile ilisiku ili lilyo uswe tukwitūgalamo. Unko ugwe na une twēgelepo ulusako lwa ikyēne.

¹⁴³ Ngimba kyo fiki ikĩngi uswe tuli nakyo ukukētako? Ngimba uswe tubagile ukubōmba fiki ukufuma iki? Ngimba uswe tukubūka kũgu? Ngimba kyo fiki kikubonekaga? Uswe tukufĩmbilisigwa ukubūka kubuyobumo. Ugwe ukabagila ukwitūgasya apa akabalilo kōsa. Ugwe ubagile ukusēnga ilisu lyāko; undũngu gwa kilabo ilyēne likulōndigwa ukusēngigwa kāngi; ena, kabili-kosa, bo kakāli akabalilo kala. Ugwe ubagile ukukusya abāna bāko. Ugwe kubalisya ifyākulya fyābo fyapamūsi; pa kabalilo ka namayolo abēne bali ni njala kāngi. Ukubalyesya abene ku fyakulya fyakugonela; abene bali ni njala kangi ulubunju lwa kilabo. Ugwe kubūlila abēne ifilato fibili; linga abēne bali ngati bāngu, kifuki myēsi mibili abemo mitatu ugwe kubūlilāga abēne fibili ifingi. Ugwe kubūlila abēne imyēnda umwēsi ugu; u mwēsi gumogwene pamo mibili ugwe kubūlila abēne imyēnda imipya. Muketile? Kikayapo nakimo ikyakukĩndilila. Kikayapo nakimo ikiyĩkāsye. Kikayapo nakimo iki kibagile ukwĩma.

Ukunyonywa mma ifyuma ifyaitolo ifya kĩsu
iki,

Ifi mbibimbibi fiyo fikubola,
Yēnga isūbilo syinu pa findu Fyasyēpwa,
Ifyēne fitisakumalikamo siku!

Akabalilo kīswile nifyakwānduka ifyēngo,
Nakimo pa kĩsu ikisitakugūtigwa kibagile
ukwĩma,

Yēnga isūbilo syinu pa findu Fyasyēpwa,
Umilila ku kiboko kya Kyala ikisitakwānduka!

Umilila ku kiboko kya Kyala ikisitakwānduka!
Umilila ku kiboko kya Kyala ikisitakwānduka!

Yēnga isūbīlo syinu pa findu Fyasyēpwa,
Umilila ku kiboko kya Kyala ikisitakwānduka!

Pilikisya:

Akabalilo kāko injila yītu yimalike, (Umwēne isakutuleka uswe ukumanya akabalilo kāko iyēne yimalike.)

Linga kwa Kyala uswe twāli babwanaloli,
Akēlu kangu akamulike akāya kāko mu Lwīmiko, (Kala a Kāya kapākigwe.)

Umoyo gwītu unyākiligwe gwisakukēta!

Umilila ku kiboko kya Kyala ikisitakwānduka!
Umilila ku kiboko kya Kyala ikisitakwānduka!

Yēnga isūbīlo syinu pa findu Fyasyēpwa,
Umilila ku kiboko kya Kyala ikisitakwānduka!

Ukunyonywa mma ifyuma ifyaitolo ifya kīsu iki,

Ifi mbibimbibi fiyo fikubola,
Itolo yēnga isūbīlo syinu pa findu Fyasyēpwa,
Ifyēne fitisakumalikamo siku!

Umilila ku kiboko kya Kyala ikisitakwānduka!

Umilila ku kiboko kya Kyala ikisitakwānduka!

Yēnga isūbīlo syinu pa findu Fyasyēpwa,
Umilila ku kiboko kya Kyala ikisitakwānduka!

Bo uswe tukwīnamīsya untu gwītu, linga ugwe ukakyēgāmo siku ikiboko Kyāke, bule ugwe itolo isaga ukubōmba ikyēne lilino?

Umilila ku kiboko kya Kyala ikisitakwānduka!

Yēnga isūbīlo syinu pa findu Fyasyēpwa,

Umilila ku kiboko kya Kyala ikisitakwānduka!

¹⁴⁴ Ndindwana nnini, ugwe uli mmogi, ndindwana nnini lilino. Utunywili twako utunini to tumogi, utusaya twako utunini tuli twamaluba. Loli, umwe mumenye, ikyene kikuyaga itolo kilabo, mpaka, ifyēne fisakusimaga ukuyōnga. Ngimba uswe tumenye bulebule lōli undungu gwakilabo utufwīngili tutisakulyaga, mu mfu, tula utumogi, utinini, utusaya twamaluba?

¹⁴⁵ Nkundwe nkeke, ugwe uli gwamaka, nywāmu, iminyofu gyamaka; ugwe uli nukugūlila ukukulumba. Lōli ukufuma pa kabalilo, itolo kilabo, sila immogi, inywili inyōloke sisakusopokamo mōsa, kangī isi ugwe uli nasyo sisyēle sisakwānduka mbuha. Fila ifinywāmu, ifibega ifigoloke fisakwīnama pāsī, kangī utufwīngili tukuyaga kukulya mu ngōngi na mu nyōfu. Abene bisakukupimbaga ugwe ukukusōsyapo, ndufumbi.

Polelo, yēnga isūbīlo syinu pa findu Fyasyēpwa,
Ifyēne fitisakukilaniamo siku!

Umilila ku kiboko kya Kyala ikisitakwānduka!
Umilila ku kya Kyala . . .

Ngulonda ugwe ukufikila mmwanya nukwēga ikiboko Kyāke lilino.

Yēnga isūbilo syinu pa findu Fyasyēpwa,
Umilila ku kiboko kya Kyala ikisitakwānduka!

Polelo akabalilo kāko injila iyi yimalike, (Iyēne yisakuya, ilisiku limo.)

Linga kwa Kyala ugwe gwāli gwabwanaloli,
Akēlu kangu akamulike akāya kāko mu
Lwīmiko,

Umoyo gwāko unyakilīgwe gwisakukēta!

Nongwa ya fiki ugwe utikukolelela ku kiboko
kya Kyala ikisitakwānduka!

Umilila ku kiboko kya Kyala ikisitakwānduka!

Yēnga isūbilo syinu pa findu Fyasyēpwa,

Umilila ku kiboko kya Kyala ikisitakwānduka!

¹⁴⁶ Ifyakukēta fifingi une ngētīle, naloli kifiku ifyīnja malongo-matatu-na-kimokyene kunyuma ku kigemo. Une ngētīle ifyakukēta ifisulumanisye; une ngētīle ifyakukēta ifyalwīmiko. Ifyakukēta ifisulumanisye fiyo ifi une ngetilemo mbumi bwāngu . . . Bo bwīngi bo mūmo une ngētīle abāna bānjala mu ngīndi; une ngētīle aba māma bikusūmila ku kapatu kamokene ka nkati. Ifyakukēta ifisulumanisye ukukīnda une ngetilemo siku, ko kukēta u nnyāmba, u mūndu gwabūndu, kangi uyu abagīle ukuya mwanundumiana gwa Kyala, ikufwa kisita kumanya Kyala.

¹⁴⁷ Une ngukumbukila unkikulu imile pa kifigo ikilo kimokyene, ikya kipanga iki, alinkuseka une. Kangi alinkuti, “Une ngabagila ukuyitikisya ing’ombe yangu ukuya nu luko lwa bwiputi mwene alinalo!” Ukukindapo isala yimoyene, une nakoleligwe ku kipatala. Unkikulu ummogi, ukufwana ifyinja malongo mabili na fibili, umwene aakuutaga, “Mwegaga undumbilili yula apa!” Umwene aali Nkatolika, nu lwitiko.

Akabalilo kako une ndinkwenda ukusegelela, u kalumbu unkangale āyobile, “Ugwe ukabile fiyo, Nkundwe Branham. Umwene afwile ukufwana amaminiti mahano aga gakindilepo.”

Une ndinkuti, “Mbagile ukumbona umwene?”

Alinkuti, “Umwene akutile kuli ugwe, mmasyu gake ga bumalikisyo, ‘Mmwaga undumbilili yula, Nkundwe Branham!’”

Undume gwāke āli kula, ikuywega, “Yoba ulwiputo ku mwene! Yoba ulwiputo!”

Une ndinkuti, “Ukwene kwilile fiyo lilino.”

¹⁴⁸ Une ndinkukwaba ikikipililo pāsī. Umwene āli na maso amanywamu amakulumba aga bulauni. Nkikulu ummogi;

indubi innini ukukilania ikisyo kyāke; inywili syabrauni; gwalukwābo fiyo. Umwēne ākubīlwe nubukafu fiyo mpaka indūbi syābonekelaga pabwēlu pa kisyo kyāke siliti bo ulūndu. Ifisige fyāke fyatupile fiyo panja ukufuma mbako syābo, bo ulu. Kangi, ena, amāla gako ni figo syabōmbile, iki kyo mu i—mu i. . . Aligwēsa ikubōmba ikyo bo abēne bikufwa, fiyofiyō. Kangi pala umwene ālipo, alāmbalēle nkayīilo kala, undomo gwāke gwigūke. Kangi ifikupi fyāke apa, fikupililígwe mwasinda ikiyabo kyabrauni kya kisige kyāke. Une ndisakwibwamo siku ikyene. Ulwīmbo lula lwālisile ku linogono lyāngu.

Ukunyonywa mma ifyuma ifyaitolo ifya kīsu iki. (Ubumogi, u lwitufyo.)

¹⁴⁹ Une nālimilēmo kifuki palubafu lwa nnyāmbāla yumo papapa ukukilania apa mu Port Fulton, ikufwa. Abēne bālingōlile une ku lubafu lwa kitala kyāke. Kangi une nālipūtīle nu mwene apa ku kigemo ikilo kimo. Umwēne alinkubīka ulukōngi lwāke ukusyungutila unkīkūlu. Une ndinkuti, “Sosyāmo ulukōngi lwāko ukufuma ku nkīkulu yula.”

Umwene alinkuti, “Une ngundongosya umwene kwa Kyala.”

¹⁵⁰ Une ndinkuti, “Komma ikiboko kyako ukufugatila umwene.” Une ndikwitika mu findu bo ifyo. Umwene alinkukalala na une. Umwene alinkukanyanga ukusōka pa kifigo.

Une ndinkubuka ku mwene, pankyēnipo panini, akabalilo kako umwene āfwāga. Umwene alimbwene une nkisyo, alinkuti, “Komma ukunyiputula une, Nkundwe Bill. Une njōngile. Une ngīndile.” Alinkuti, “Fyosa ifi une ngabilēmo siku, fikindile.”

¹⁵¹ Une ndinkwima palapala panja pa nguto, akayabo akanini ukufuma apa, ilisiku limo, ku nnyambala uyu alīngōlile une ku lubafu lwa kitala kyake akabalilo kako umwene afwege. Umwene alinkuti, “Une akabalilo kosa nalondaga *gwakuti-na-gwakuti*, kangi u luko ulu.” Umwene alinkuti, “Loli une ngambobelamo siku naloliloli u Ntwa. Utubalilo twingi une nibābile ukubuka ku kigemo.” Umwene alinkuti, “Nkundwe Branham, ipūta ukuti Kyala isakundeka undindwana gwangu ahōmbe pa findu ifi une mbombile. Lumo umwene abagile ukubomba ikindukimo kwa Ntwa.”

¹⁵² Une ndinkuti, “Ikyo kikabagila ukubombigwa, nkundwe. Ifindu ifi ugwe gwabagile ukubomba fitagigwe.” Hum!

¹⁵³ Nālimīle kifuki unnyāmbāla, ukumbona umwēne ikulwaga imisyētāno ku sala malongo-mabili-na-sina. Alinkuti imisyētāno pa lubafu lwa kitala kyāke ni minyololo giniembeteligwe ukusyungutila ilikosi lyāke. Alinkuti, “Komma ukugileka igyēne ginyēgēge une!” Ukulalāta; ukunkōlelela umwēne mu kitala. Alinkuti, “Pala umwene imile. Ngimba umwe mukabagila ukuketa ikyene? Ikyene kikwisa kikunyīsila une.” Umwene ālimpikile Kyala, akabalilo katali fiyo. Āli

ni ndāmba inywāmu siswīle ni līsu lya ng'ombe, siswīle ni ngano, ifalasi innunu isyakubopesania. Ikyīnja kimo pabutasi bwāke, umwēne ālingūnīle Kyala ku kisyo Kyāke, alinkomile na mapi unkasi gwāke panongwa ya kubūka ku kipanga. Umwe mumenye iki kyābonīke? Injasi yātikīle i ndāmba yāke, kangī yāgogile i falasi syāke, ukōkyelēla i līsu lyāke. Kangī u nnyāmbala yula āfwīle mu luko lumo lya kigune, ikulwāna ni misyētano ukuti gisōkekeko ku mwēne.

¹⁵⁴ Kangī umwinangu ugwaiyolo ugwangu (lwimiko!) imile pala, ukwisa ku bumalikisyo bwa nsebwe. Une ndinkuti, “Ngimba ugwe kubuka, tata?”

Alinkuti, “Iki kyo kyene, Billy.”

Une ndinkuti, “Ikyene kyo bulebule?”

¹⁵⁵ Umwene alinkuti, “Fyosa fili kanunu.” Alinkuti, “Batwala abana bangu pa lubafu lwa kitala.” Umwene alinkubīka amaboko gake amakāngāle amōnywa pa aligwēsa gwa bala ba bāna bāke kangī nukubasaya abēne. Alinkubabūla abāke abānabalumiana babili, alinkuti, “Tulika mmwanya amaboko gāngu, fyusya agēne mmwanya, bo yu Yoshua na Kalebu bābōmbīle.” Uswe twāswigaga iki umwēne āyāga pakuyoba. Umwēne āyobīle:

Ilisiku lyabuhofu, ilisiku lyabuhobofu,
 Ukufuma pāpo Yeso āsukāga imbībi syāngu!
 Umwēne ālimmanyisye une ukukētēsya nu
 kwīpūta,
 Nukwītugala nubuhofu ilisiku lililyōsa.

Uswe tulinafyo fimo mwa findu fila ifyakwisako, binangu! Nayumo yumo lōli uyu ikunyonywa ukulya ikyākulya ikinunu, ukwēndesya iligali ilinunu, ukuya nafyo ifi uswe tubagile ukuya nafyo. Une ndikundeyela umwene mma. Ikyo kyo kili kanunu mosa. Kyala ikulonda ugwe ukuya na ikyo, loli:

Ukunyonywa mma ifyuma ifyaitolo ifya kīsu
 iki,
 Ifi nakalinga fiyo fikubola,
 Yēnga isūbīlo syinu pa findu Fyasyēpwa,
 Ifyēne fitisakumalikamo siku!

Unko uswe tufyūsye amaboko gītu lilino akabalilo kāko uswe tukwīmba.

Umilila ku kiboko kya Kyala ikisitakwānduka!
 Umilila ku kiboko kya Kyala ikisitakwānduka!
 Yēnga isūbīlo syinu pa findu Fyasyēpwa,
 Umilila ku kiboko kya Kyala ikisitakwānduka!

¹⁵⁶ Akabalilo kako uswe tukwima, unko uswe itolo tusanukile kula nukuponania amaboko nu munduyumo lilino. Uswe twisakukindililaga, ulukomano, itolo akabalilo. Loli une

ngulonda umwe ukusanuka ukusyungutila akabalilo kako uswe tukwimba ilinandi ilingi ilya lwimbo lula.

Umilila ku kiboko kya Kyala ikisitakwānduka!

Bomba ikylene, tata! Bomba ikylene, tata! Kwa Kyala! Bomba ikylene, ntubwa! Bomba ikylene, nkundwe! Bomba ikylene, nkundwe!

Yēnga isūbilo syinu pa findu Fyasyēpwa,
Umilila ku kiboko kya Kyala ikisitakwānduka!

¹⁵⁷ Ngimba umwe mukahoboka panongwa ya Mwēne? Yoba “Ameni!” [Ikilundilo kikuyoba, “Ameni!”—Nsimbi] Bosa aba banganile Umwene, yoba, “Ntufye Untwa.” [“Ntufye Untwa!”] Bosa aba bikwitika ukuti ugwe kwisa ku Kaya kala akapelelesye, fyusya ikiboko kyako. (Kolelela ikylene, itolo i miniti, nu lwimbo lwako.)

Une ngugūka ku Kaya akamogi kala, (Ngimba ulo lukubuka bulebule lilino?)
Ntwa atendekelīle ku Bāke Mwene;
Kuko bosa abatabuligwe ba ngulilo syosa
Bikwimba “Lwimiko!” ukusyungutila i Kikota Kyelu;
Utubalilo tumo une ngongelelapo ukwīsyūka kuli ku Mwanya,
Nu lwīmiko une kula nisakukēta
Bo buhofu buki iki kisakuyaga, akabalilo kāko u Mpoki gwāngu une ngukēta,
Nkaya kala akamogi kala aka golidi.

Ngimba umwe muluganile ulo?

Une ngubūka ku Kaya akamogi kala,
U Ntwa gwangu atendendekisye ku Bāke Mwene;
Kuko bosa abatabuligwe ba ngulilo syosa
Bisakwimba “Lwimiko” ukusyungutila i Kikota Kyelu;
O, utubalilo tumo une ngongelelapo ukwīsyūka kuli ku Mwanya,
Kangi ubuhobofu une kula nisakukēta:
Bo buhofu buki iki kisakuyaga, akabalilo kāko u Mpoki gwāngu une ngukēta,
Nkaya kala akamogi kala aka golidi.

Ugwe unganile Umwene? [Ikilundilo kikuyoba, “Ameni.”—Nsimbi] Polelo:

Ega i Ngamu ya Yesu na ugwe
Mwana wa busulumanie ni soka;
Iyene ubuhofu nu lupembusyo lisakukupaga,
Ega Iyene kulikosa ugwe kubuka.

Ngamu Imbala, (Ngamu Imbala!) O bunyafu buki! (O bunyafu buki!)

Lusubilo lwa kisu kangu buhofu bwa Kumwanya;

Ngamu Imbala, (Ngamu Imbala!) O yo nyafunki!

Lusubilo lwa kisu kangu buhofu bwa Kumwanya.

Lilino, komma ukwibwa ulubunju lwa Pandungu ugu gukwisa, amalongo-mahano-na-mana-na-sinda. Kangu polelo uswe tukugelaga, linga Untwa ikwitikisya, ukwisa ukukinda nkabalilo, ukuya nu lwiputo lwa babine, u Ndungu ugu gukwisa kulubunju pa sala ya buhano-na-sina-na-sinda.

Pa Ngamu ya Yesu tukwinama,
Tukugwa bukupame pa malundi Gake,
Mwalafyale gwa banyafyale ku Mwanya
bisakumfwika ingiga Umwene,
Akabalilo kako ubulendo bwitu bumalike.

Ngamu Imbala, (Ngamu Imbala!) O bunyafu buki! (O bunyafu buki!)

Lusubilo lwa kisu kangu buhofu bwa Kumwanya;

Ngamu Imbala, (Ngamu Imbala!) O yo nyafunki!

Lusubilo lwa kisu kangu buhofu bwa Kumwanya.

Itolo pilikisya pa linandi ili:

Pa Ngamu ya Yesu tukwinama,
Bo Kisigilo ku kipingo kilikyōsa;
Linga ingelo ukusyungutula uguwe sikulundana,


Itolo tuya i Ngamu Inyikemo yila ndwiputo.
(Iyo yisakubombaga ikylene!)

Ngamu Imbala, (Ngamu Imbala!) O bunyafu buki! (O bunyafu buki!)

Lusubilo lwa kisu kangu buhofu bwa Kumwanya;

Ngamu Imbala, (Ingamu Imbala) O yo nyafunki!

Lusubilo lwa kisu kangu buhofu bwa Kumwanya.

Lilino une ngusanusyila ulukomano ku ntimi, Nkundwe Neville, ukuti tuyege nu kwigala amasyu gake na kilikyosa iki umwene abagile ukuyoba. 

61-0730E U Lubĩngililo Lwākatāndātu-kōsa
Lwa Luyāto Lwa Gabrieli Kwa Danieli
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org